


# 古今巧對大觀

陳宗聖編著



選 精 類 分

觀 大 對 巧 今 古

編 聖 希 陳

行 印 社 書 圖 通 大 海 上

26, 4, 25.

◎ 翻印必究 ◎



◎ 版權所有 ◎

(20001)

古今巧對大觀

(全一)

實價國幣 六角

外埠酌加郵費

著者 陳宗驥

校閱者 周家楨

出版者 大通圖書社

發行人 吳雨江

特約發行所 中西書局總店

上海望平街中市

△各省中西書店均有分銷▽

古今巧對大觀目錄

(一) 玉堂巧對彙編……………一

共六十八聯

(二) 俗語格言巧對……………一二

共一百六十九聯

(三) 諺嘲調哭巧對……………二七

共三十一聯

(四) 名勝古蹟巧對……………三二

共一百五十一聯

(五) 祠宇廟觀巧對……………五四

共二百二十五聯

(六) 集句集字巧聯……………一〇〇

共二百二十聯

(七) 地名人名巧對……………一二六

共一百十聯

(八) 良辰佳話巧對……………一三〇

共一百聯

古今巧對大觀

(一) 玉堂巧對彙編

解縉年少登第常着綠衣尙有幼童習氣其  
同僚年長者依例着紅袍一日會晤年長者  
戲出一對云

出水蛙兒穿綠襖美目盼兮

解對云

落湯蝦子着紅袍鞠躬如也

解縉九歲時父攜江濱洗浴以衣置老樹上  
出對云

千尋老樹爲衣架

縉對云

萬里長江作浴盆

解縉七歲時隨父出游見有妓女吹簫父命  
對云

仙子吹簫枯竹節邊生玉筍

縉對云

佳人撐傘新荷葉底露金蓮

劉昌八歲入庠宗師出一對云

赤爾何如點爾何如各言其志

昌對云

回雖不敏雍雖不敏請事於斯

何孟春幼時同父乘涼父命對云

蛙鼓螢燈蚯蚓笛荒唐夜夜元宵

孟對云

鶯簧蝶拍鷓鴣詞香陌年年上巳

楊溥幼時有司令其父充役溥求免有司出對云

四口同圖內口皆從外口管

溥對云

五人共傘小人全仗大人遮

林聰九歲時邑宰謁其父見白犬顧其主命對云

白犬當門兩眼睜睜惟顧主

聰對云

黃蜂出洞一心耿耿只隨王

林聰幼時客見其目奇因命對云

重瞳項羽重瞳舜祇有二人

聰對云

九尺曹交九尺湯尙多四寸

郭希賢八歲時父出對云

燕入桃花猶如鐵剪裁紅錦

賢對云

鶯穿柳樹却似金梭織翠絲

陳景春九歲時師出對云

杜詩漢名士非唐朝杜甫之杜詩

陳對云

孟子吳淑姬豈鄒國孟軻之孟子

蜀中一奇童應試太守見其紗衣袖中有紅

花一朵乃命對云

書生袖裏攜花暗藏春色

童對云

太守堂前秉鑑明察秋毫

馬拯幼年人泮官令其當甲長拯以秀才求

免官出對云

秀才里長役里長不役秀才

拯對云

父母大人敬大人如敬父母

向寶幼時師命對云

日月兩輪天地眼

寶對云

詩書萬卷聖賢心

陳治八歲時父與之同行見兩舟一遲一速

父因命對云

兩艇並行櫓速不如帆快

治對云

八音齊奏笛清難比簫和

顧鼎臣幼同父觀新柳棲鶯父命對云

柳線鶯梭織就江南三月景

鼎對云

雲箋雁字傳來塞北九秋書

又一日師出一對云

花塢春晴鳥語奏成無孔笛

顧對云

槐庭日暮蟬聲彈出不絃琴

陳起字幼聰敏師命對云

秋月如盤人在冰壺影裏

陳對云

春山若畫鳥飛錦帳圖中

又一夕師於星月之下同步園亭師命對云

小沼沉星似仙人撒下金碁子

陳對云

枯松掛月如老龍擊出夜明珠

又一日同師乘馬行於沙岸師命對云

馬足踏開岸上沙風來復合

陳對云

檣梢撥破江中月水定還圓

馬鐸中狀元上試以對曰

風吹不響鈴兒草

鐸對云

雨打無聲鼓子花

徐階松江人王鏊蘇州人徐見蘇州人多用

火箭吹火而王見松江人家多彈棉花徐曰

吳下門風戶戶盡吹單孔笛

王對云

雲間勝景家家皆鼓獨絃琴

徐階幼時應宗師考丹墀下忽風吹鶴巢墮

地宗師命對云

風落鶴巢二三子連窠及地

徐對云

雨淋猿穴衆諸侯待漏朝天

程敏政以神童至京宰相李賢欲以女許之

因指席上菓出對云

因荷而得藕

程對云

有杏不須梅

沈義甫八歲時同師玩雪師出對云

青山原不老爲雪白頭

沈對云

綠水本無憂因風皺面



沈義甫幼時有客命對云

日出東月出西天上生成明字

沈對云

女居右子居左世間配定好人

林大欽幼時言語有大志師出對云

議論吞天口

林對云

功名志士心

林大欽七歲時應府試見府尊不跪知府曰

童子六七人孰如汝狡

林對云

太府二千石莫若公廉

楊一清八歲舉奇童上見之命對曰

凍雨洒窗東兩點西三點

楊對云

切瓜分片上七刀下八刀

楊一清十二歲中舉至京有國公與尙書共

設席宴楊席上二人齊遞兩盃酒因曰

手執兩盃文武酒飲文乎飲武乎

楊對云

胸藏萬卷聖賢書希聖也希賢也

楊一清在翰林一學士命對云

鴻是江邊鳥

楊對云

蚕爲天下虫

張適六歲時有客過書館適方洗浴客命對

曰

書生沐浴日新日新日日新

適對云

學者功夫時習時習時時習

張適七歲能文師出對云

城中四境人家雞鳴狗吠

張對云

朝內九重帝闕虎踞龍蟠

陸貞山七歲時客命對云

棗棘爲薪砍斷分開成四束

陸對云

閨門起屋移多補少作兩間

王汝玉七歲父見日出雪化命對云

日晒雪消簷滴無雲之雨

玉對云

風吹塵起地生不火之烟

董圮八歲時一御史招至舟中試一對云

船載石頭石重船輕輕載重

圮對云

杖量地面地長杖短短量長

周甫八歲時師出對云

五星聚東井

甫對云

片月下長川

唐六如幼時隨父侍客食瓜及苳客云

炒豆撚開拋下一雙金聖筍

唐對云

甜瓜切破分成兩盞玉琉璃

陸貞山七歲時謝康全見其目秀贊曰

聰明定在眼上

陸對云

錦繡羅於胸中

備瓘幼時隨父往寺中父命對云

三尊大佛坐獅坐象坐蓮花

確對云

一介書生攀鳳攀龍攀柱子

王洪幼時一友人見其家造樓命對云

地樓之上起樓樓門無地

王對云

天井之中開井井底有天

王洪五歲入學館一日師他出以汗巾掩其

目與衆生摸盲師適至出對云

藏形隱影

洪對云

顯姓揚名

又一日以一鬼臉子作戲師出對云

人頭藏鬼臉

王對云

虎榜跳龍門

何孟春幼以神童稱一日隨父往縣學中父

命對曰

夫子之牆數仞高得其門而入者誠

或寡矣

春對曰

文王之囿七十里同於民而小之不

亦宜乎

陸天池幼隨父游園父命對云

鶯入榴花似火煉黃金數點

池對云

鷺棲荷葉如盤堆白玉一團

陸粲與陸象孫會宴先下棋後酌酒象孫云

圍棋沽酒一着一酌

粲對曰

坐漏觀書五更五經

陸粲與其弟采月下見庭中矮松粲出對曰

松矮牆高來歲松高牆反矮

采對云

月明日暗詰朝月暗日還明

唐六如與陳白楊同步園中唐云

眼前一簇園林誰家莊子

陳對云

壁上幾行文字那個漢書

又一日同張靈野行見一羣游女張云

綉鞋低罩綠羅裙鴛鴦戲水

唐對曰

金釵斜插青絲鬢鸞鳳穿雲

唐伯虎同祝枝山入鄉見農夫車水祝曰

水車車水水隨車車停車水止

唐對云

風扇扇風風出扇扇動風生

一才子偶成一對無有能對者而後請亂仙

方對著亦奇趣也出對云

冬夜燈前夏侯氏讀春秋傳

亂對曰

東門樓上南京人唱北西廂

白圻幼時一日同師見雷電交作師命對曰

電掣雲端火焰拽開金絡索

折對曰

月沈海底碧波湧出水晶球

曹大章上元人也一夕與父至縣觀元宵燈

父命對云

上元縣裏看上元燈

章對曰

端午門前賜端午粽

李夢陽督學江西有一生與渠同名因命一

對云

藺相如司馬相如名相如實不相如

生對云

魏無忌長孫無忌你無忌我也無忌

吳文之幼時客至其家看蠶客出一對云

蠶作繭繭抽絲織就綾羅緞匹

吳對云

兔生毫毫扎筆寫成錦繡文章

程襄毅公鞠獄有十人被誣公欲雪其冤因

出一對云

水面凍冰冰積雪雪上加霜

士人對云

空中騰霧霧成雲雲開見日

一學正與秀才爭產訟之官官曰

學正不正諸生皆以爲歪

秀才對曰

相公言公百姓自然無訟

徐貞卿同戴冠相敘客齋見燕語梁間戴云

梁上呢喃紫燕說盡春愁

徐對曰

枝頭睨皖黃鸝喚回午夢

謝一夔與呂原共飲有吹簫者佐酒謝出一對云

呂先生品簫須添一口

呂對曰

謝狀元射策何用片言

李東陽同友人聞蟬聲李云

蟬以翼鳴不啻若自其口出

友對云

龍從角聽無乃不足於耳與

李西涯從學士家見梅花一瓶被風吹倒李云

東風吹倒玉瓶梅落花流水

學士對云

朔雪壓翻蒼徑竹帶葉拖泥

明太祖見陶庵以書作枕上曰

枕耽典籍與許多聖賢並頭

陶對曰

扇畫江山有一統乾坤在手

文皇在燕邸宴羣臣天寒甚文皇曰

天寒地凍水無一點不成冰

姚廣孝對云

國亂民愁王不出頭誰作主

明太祖微行遇一書生問其里居對曰四川重慶府人也太祖曰

千里爲重重水重山重慶府

生對云

一人成大大邦大國大明君

明太祖與劉伯溫下棋因曰

天作碁盤星作子日月爭光

劉對曰

雷爲戰鼓電爲旂風雲際會

佛印留東坡飯見佛印播椒治膳東坡戲曰

和尚播椒上中下三光俱動

佛印對云

尼姑跌筭陰陽聖八面齊開

東坡一日同佛印與妓女琴操在舟中飲酒

半酣佛印至船頭撐篙琴操云

和尚撐船篙打江心羅漢

佛印對云

佳人汲水繩牽井底觀音

米元章同佛印看雪梅米曰

雪裏白梅雪映白梅梅映雪

佛印對曰

風中綠竹風翻綠竹竹翻風

李長吉云

天若有情天亦老

石曼卿對曰

月如無恨月常圓

(二) 俗語格言巧對

俗語三言對

寸金地	小氣量	老前輩
一線天	老面皮	小後生
打花鼓	有沒有	笑面虎
撞木鐘	來不來	磕頭蟲
四眼狗	大做小	咬耳朵
獨角龍	雌趕雄	揩鼻頭
蘆中人	蛇吞象	有分寸
門外漢	鼠比牛	無斤兩

吃東道	奴使奴	縮腳韻
喝西風	鬼拿鬼	推背圖
哄上座	門門進	三眼灶
打落台	路路通	四脚床

俗語四言對

瓜熟蒂落	相女配夫	一毛不拔
藕斷絲連	討妻看舅	孤掌難鳴
三生有幸	靠天吃飯	因禍得福
一竅不通	坐地分贓	弄假成真
因小失大	小題大做	因人成事
假公濟私	短載長行	與鬼為鄰



堆山積海	雪擁藍關	鼻管向天	風雲際會	指東話西	拖人落水
興風作浪	火燒赤壁	眼花落地	雨水調勻	面南背北	送老歸山
放馬後炮	日晴夜雨	性急如火	捉漏水洞	做隔壁戲	水底撈月
點佛前燈	冬暖夏涼	義重似山	扯順風篷	打撞門卦	雪上加霜
未雨蓋屋	水落石出	打退堂鼓	上府落縣	半港折櫓	水泄不漏
臨渴掘井	樹大根深	敲上場鑼	離鄉別井	大海撈針	火星直噴
閑中取樂	粗中有細	預先作福	坐冷板凳	雪中送炭	爬山過嶺
死裏逃生	絕處逢生	過後詳籤	趁熱被頭	火上加油	渡水越溪
熟能生巧	苦中作樂	逢場作戲	擺空架子	着濕布衫	過目不忘
話弗投機	忙裏偷閒	揀佛燒香	做硬干證	翻熱燒餅	出口成章
冰清水冷	戴高帽子	獻苦肉計	藏頭露尾	花言巧語	肚飽氣壯
泥塑木雕	管碎米賬	燒斷頭香	出口傷人	油腔滑調	鼻塌嘴歪

赤心爲國	正經事體	脚癱手軟	挨肩擦背	伸脚趨手	韌皮吊筋
白手成家	反面文章	耳聾眼花	擺尾搖頭	依頭順腦	強頭倔腦
吹毛求疵	混身武藝	理直氣壯	輕嘴薄舌	明目張胆	人面獸心
挖肉補瘡	滿腹文章	福至心靈	油頭滑腦	昏頭怛腦	賊頭狗腦
威風凜凜	問心無愧	筋斷骨折	縣前胥吏	有頂有眼	有錢和尙
腐氣騰騰	得福弗知	頭暈眼花	房裏姑娘	無頭無腦	無心道人
聰明智慧	開口就罵	眉清目秀	天聰天明	篤實君子	吃素唸佛
癡呆懵懂	下手爲強	心和氣平	土頭土腦	勢利小人	含血噴人
皮膚枯槁	隔靴搔癢	本來面目	披髮小鬼	賠錢幹事	大小三軍
眼目清亮	掩耳盜鈴	別有肺肝	直脚野人	借刀殺人	文武百官
頭輕脚重	回心轉意	心滿意足	借花獻佛	無名小卒	賊皮賊骨
眼高手底	脫皮換骨	神清氣爽	揀口齋僧	有錢老官	鬼頭鬼腦

做乏人馬 黃花閨女 風流才子  
敗落鄉紳 白面書生 道學先生

酒肉朋友 欺妻寵妾 名利兩得  
柴米夫妻 打爹罵娘 富貴雙全

還債兒子 短命猝死 倚官仗勢  
結義兄弟 不老長生 買盜攀賊

弄假成真 逢凶化吉 見財起意  
誣良爲盜 遇難成祥 看貨還錢

神嚎鬼叫 通文達理 緊守門戶  
女扮男粧 耀武揚威 大動干戈

依例判斷 尋死覓活 同胞兄弟  
照本謄錄 愛富欺貧 結髮夫妻

驕兵必敗  
窮寇莫追

俗語五言對

口甜心裏苦 貪多嚼不爛  
眼飽肚中飢 見小事難成  
急來抱佛脚 做官莫做小  
樂得做人情 擒賊先擒王  
嬾人使重担 行行出君子  
窮漢養嬌兒 處處有歹人  
旱天多雨意 所問非所答  
平地起風波 能說不能行

官無三日緊

好戴高帽子

賊吃一半虧

怕着濕布衫

貓口裏挖食

無錢難開口

虎頭上做窠

有貨不愁眉

藥醫不死病

自講無壞話

佛度有緣人

相打沒好拳

瞞上不瞞下

慣出難題目

苦路寧苦家

好做奇文章

枕頭邊告狀

面老肚皮飽

船梢上答話

嘴硬骨頭酥

活人說死話

佛地上造孽

強盜發善心

公門中修行

俗語六言對

好心不得好報

一遭生兩遭熟

癡人自有癡福

七不出八不歸

一身難充兩役

天不怕地不怕

雙手不敵四拳

男有心女有心

水幫船船幫水

高拱手低作揖

人防虎虎防人

窮算命富燒香

少所見多所怪

喫到老學到老

一不做二不休

賺得多用得少

井欄圈當戒指

牀底下放鴿子

燈籠壳做枕頭

雲端裏出轡頭

放下屠刀成佛 此景不比那景  
扯起藍盤做天 他心怎似吾心  
放開肚皮吃飯 不懂人情世故  
抖起神氣讀書 須防山高水低

俗語七言對

太歲頭上來動土  
宰相肚裏好撐船  
清官難斷家常事  
好漢不吃眼前虧  
今日不知明日事  
上場總有下場時

退一步天高地闊  
讓三分心和氣平  
酒逢知己千杯少  
話不投機半句多  
前車已覆後車鑒  
上樑不正下樑欹  
大人不計小人過  
前事每爲後事師  
不要錢原非異事  
忒相好亦是私心  
聰明反被聰明誤  
強人自有強人磨

三兩黃金三兩福  
一朝天子一朝臣  
先學無情後學戲  
只愁發迹不愁窮  
千賒無如八百現  
一錯便誤百年身  
清官難逃猾吏手  
和尚不賺道士錢  
只顧自己碗裏滿  
常怨他家井底深  
和尚不知道家事  
巧妻常伴拙夫眠

強將手下無弱兵  
死人頭邊有活鬼  
肚皮貼着背脊骨  
眼睛生在額角頭  
窮人慣作有錢事  
巧婦難爲無米炊  
日間不做虧心事  
世上應無切齒人  
久病床前無孝子  
富在山中有遠親  
行得好心有好報  
只爭來早與來遲

一世爲官七世孽  
十年偏遇九年荒

俗語八言對

男大須婚女大須嫁  
蝨多不癢債多不愁  
娶妻娶德娶妾娶色  
拿賊拿贓拿奸拿雙  
在山靠山在水靠水  
要雨是雨要風是風  
用人莫疑疑人莫用  
來者不善善者不來

因親及親因友及友  
有冤報冤有仇報仇  
上岸要財落水要命  
登天無路入地無門  
和上和上挂在樑上  
丫頭丫頭賣到江頭  
有粥吃粥有飯吃飯  
種豆得豆種瓜得瓜  
欺人是禍饒人是福  
勝則爲王敗則爲寇  
有錢則生無錢則死  
謀事在人成事在天

話只一句重於九鼎  
家有萬金不點雙燈  
一家做牆兩家方便  
前人種樹後人乘涼  
拳不離手曲不離口  
買無真價認無真情  
日親日近日疏日遠  
自輕自賤自貴自重

俗語九言對

強盜畫喜容賊形難看  
閻王出告示鬼話連篇

落雨挑秧薦越挑越重  
當風打草鞋邊打邊成  
各家各法各廟各菩薩  
叫爹叫娘叫屈叫地方  
熱豆腐燙殺了養媳婦  
急驚風碰着個慢郎中

俗語十言對

人多好做事人少好吃飯  
教婦教初來教子教嬰孩  
出門看天色進門看臉色  
東倒吃羊頭西倒吃豬頭



莫飲卯時酒昏沈醉到酉  
不聽老人言禍患在眼前  
打的老虎殺大家有肉吃  
留得青山在不怕沒柴燒  
相罵無好言急行無好步  
狂風不過午驟雨不崇朝  
國難顯忠臣家貧出孝子  
路遙知馬力事久見人心  
雙鞭前導宛然兩根蝦鬚  
獨板後隨好似一條狗腿

俗語十一言對

不做媒不做保一生少煩惱  
也無女也無男前世沒姻緣  
開關早關關遲聽過客過關  
出對易對對難請先生先對  
妙法法因因果寺金輪金剛  
中利和豐豐樂樓銀杓銀甕  
船載石頭石重船輕輕載重  
杖量地面地長杖短短量長  
惜食惜衣非爲惜財但惜福  
求名求利只須求己莫求人

俗語十二言對

公修公德婆修婆德不修沒德  
東風東倒西風西倒無風直倒

俗語長言對

以勢交者勢盡則疏以財交者財盡  
則散  
欲人不知莫若勿爲欲人不聞莫若  
勿言

垂訓一無欺能安分者卽是敬宗尊  
祖  
守身三自返會吃虧的便爲孝子賢  
孫

必孝友乃可傳家兄弟式好無他卽  
外侮何由而入  
惟詩書常能裕後子孫見聞止此雖  
中材不至爲非

格言六言對

政惟求於民便  
事皆可與人言  
每思於物有濟  
常愧爲人所容  
兄弟睦家之肥  
子孫賢族乃大  
放開眼孔觀書  
豎起脊梁行事

格言七言對

欲知世味須嘗胆  
不識人情只看花

敏則有功公則說  
淡而不厭簡而文  
人重官非官重人  
德勝才無才勝德  
要除煩惱須成佛  
各有來因莫羨人  
爾無文字休言命  
我有兒孫要讀書  
非關因果方爲善  
不計功名始讀書  
不畏官司千狀紙  
只怕鄉民三寸刀

無求便是安心法  
不飽真爲却世方  
此間只可談風月  
相對何須問主賓  
能受苦方爲志士  
肯吃虧不是癡人  
不貪財原非異事  
太要好亦是私心  
苦心未必天終負  
辣手須防人不堪  
今日正宜知此味  
當年曾是咬其根

事能知足心常愜  
人到無求品自高  
筆下留有餘地步  
胸中養無限天機  
與世不言人所短  
臨文期集古之長  
人不爲斯有品  
己無所得可無言  
盡日言文常不倦  
與人共事若無能  
一人知己亦已足  
畢生自修無盡期

相知到不在形迹  
修己豈可殊初終  
每臨大事有靜氣  
不信今時無古賢  
知足是人生一樂  
無爲得天地自然  
久病始知求藥誤  
衰年方悔讀書遲  
辦事人多能事少  
愛民心易治民難  
修身豈爲名傳世  
作事惟思利及人

外避賢者內不足  
有爭氣人無與言  
過如新竹芟難盡  
學似春潮長不高  
凡事總求過得去  
此心先要放平來  
大懼與衆人同數  
平生有關節不通

格言八言對

洗心曰齋防患曰戒  
循法無過修禮無邪

行所當行不爲己甚  
慎之又慎未能卽安  
掃地焚香清福已具  
粗衣淡飯樂天不憂  
有一日閒且種汝地  
無十分屈莫入公門  
海納百川有容乃大  
壁立千仞無欲則剛

格言十言對

毋多事毋廢事庶幾無事  
不徇情不矯情乃能得情

倚古不遷也是昔賢知己  
流陰若寄無爲今世閒人

格言長句對

言易招尤對朋友少說幾句  
書能益智勸兒孫多讀數行  
不改其樂卽顏子一瓢貧也何害  
無德而稱雖景公千駟富亦奚爲  
戒之在鬪戒之在色戒之在得  
職思其居職思其外職思其憂  
老吏何能有訟不如無訟好  
小民易化善人終比惡人多

反己有真修須留神檢到心身界上  
加工無別法務着力打開義理關頭  
青天下鑒此心敢不光明正直  
赤子來游吾腹願言愷悌慈悲  
人苦不自知願諸君勤攻吾短  
弊去其太甚與爾輩率由舊章  
頭上有青天作事須循天理  
眼面皆瘠地存心不刮地皮  
世上幾百年舊家無非積德  
天下第一件好事還是讀書  
醴泉無源芝草無根人貴自勉  
流水不腐戶樞不蠹民生在勤

(三) 諺嘲調笑巧對

諧聲聯

童子打桐子桐子落童子樂  
麻姑獻藤菇藤菇鮮麻姑仙

拆字巧聯

棗棘爲薪截斷劈開成四束  
閭門造屋移多補少變雙間

閻王殿柱聯(有士子死後見此

蘇而錄出)

天道地道人道鬼道道道無窮  
胎聖卵生溼生化生不生不已

狂士歸元恭除夕自署門聯

一槍戳出窮鬼去

雙鈎搭進富神來

常州老布衣自署門聯

心中無半點事半生不曾完糧  
眼前有十二孫十個未經出痘

戲贈貪賊縣令聯

愛民如子牛羊父母倉廩父母供爲  
子職而已矣

執法如山寶藏興焉貨財殖焉是豈  
山之性也哉

張明經自題門聯

三間東倒西歪屋

一個南腔北調人

獨山州城極荒涼知州趙從

誼自題署聯

茅屋三間坐由我臥由我  
里長一個左是他右是他

畫春册店門聯

一陰一陽之謂道

此時此際難爲情

岳鍾琪贈揚州樂善庵方丈

有月卽登臺無論秋冬春夏  
是風皆入座不分南北東西

新婚諧聯

形學須從三角驗

測量初到幾何深

啞妓諧聯

真個銷魂千般旖旎難傳語  
爲郎憔悴萬種相思不忍言

洗衣店諧聯

刮垢磨光舊染盡去

滌瑕蕩穢清光大來



縫紉婦諧聯

具補缺拾遺經濟  
爲針頭線脚生涯

廁所諧聯

莫道輪迴輪五穀  
可儲筆札賦三都

轎夫諧聯

共扶大雅肩頭重  
欲奮前程足下勤

賬房諧聯

日用所需咸歸博士  
出納之吝慢比有司

其二

出抄入分細心會計  
銅山金穴大氣包藏

書啓諧聯

六儷四駢心花怒發  
描黃對白眉樣絕時

虛實借對諧聯

庭前花始放  
閣下李先生

嘲孝廉方正諧聯

曾是以爲孝  
惡能廉可欺

嘲縣令王寅諧聯

王好貨不論金銀銅鐵  
寅屬虎全需雞犬牛羊

王楷堂宅傍馬棚門臨大道

自撰門聯

馬背峻嶒喫豆喫麩兼喫草  
車聲歷碌拉牛拉馬不拉人

閩縣正月燈聯

燭問燈云靠汝遮光作門面  
鼓對鑼曰虧爾空腹受拳頭

紀曉嵐諧聯

今日門生頭着地  
昨宵師母脚朝天

嚴問樵贈老伶工余德輝聯

我亦戲場人世味直同雞棄肋  
卿以狎客老名心還想豹留皮

龔照嶼獲罪得免做壽張陸

贈以諧聯

稱六太爺上六旬壽欣占六月六日  
良辰六數適相逢曾聽得張六先生  
大踏步鬧進門來口呼六哥還旅順  
坐三年監陪三次斬賺得三代三品  
封典三主願已足最可憐達三故友  
小錢頭不如洒咱冤沉三字赴黃泉  
（小錢頭不如洒咱合肥土語謂用錢不如人也）

宋梅俞夫婦諧聯

獼猴入布袋

鮎魚上竹竿

袁穉菴自嘲聯

佛言不可說不可說

子曰如之何如之何

海盜至普陀山設醮自題聯

自在自觀觀自在

如來如兒見如來

京師戲臺聯

或爲君子小人或爲才子佳人登場  
便見

有時歡天喜地有時驚天動地轉眼  
皆空

(四) 名勝古蹟巧對

杭州湖山春社

翠翠紅紅處處鶯鶯燕燕  
風風雨雨年年暮暮朝朝

杭州平湖秋月

勝地重新在紅藕花中綠楊陰裏  
清遊自昔看長天一色朗月當空

憑欄看雲影波光最好是紅蓼花疎  
白蘋秋老

把酒對瓊樓玉宇莫孤負天心月到  
水面風來

玉鏡靜無塵照葛嶺蘇堤萬頃波澄  
天倒影

冰壺清濯魂對六橋三竺九霄秋淨  
月當頭

杭州三潭印月

客中客入畫中畫

樓外樓看山外山

明月自來去

空潭無古今

記故鄉亦有仙潭看一樣湖光添得  
石橋長九曲

至此地宜邀明月問誰家秋思吹殘  
玉笛到三更

杭州冷泉亭

泉自幾時冷起 泉自冷時冷起

峯從何處飛來 峯從飛處飛來

在山本清泉自源頭冷起

入世皆幻峯從天外飛來

杭州四照閣聯

面面爲情環水抱山山抱水

心心相印因人傳地地傳人

杭州飛來峯

南高峯北高峯世事盡儻來莫問峯  
來何處

在山泉出山泉人心先耐冷纔知泉  
冷幾時

黃州赤壁

（黃州赤壁非周瑜破

曹之赤壁）

勝蹟別嘉魚何須訂異箴譌但借江

山攄感慨

豪情傳夢鶴偶爾吟風嘯月毋將賦  
詠概平生

武昌黃鶴樓

何時黃鶴重來且自把金尊看洲渚

十年芳草

今日白雲尙在問誰吹玉笛落江城

五月梅花

一樓萃三楚精神雲鶴俱空橫笛在

二水匯百川支派古今無盡大江流

晴川閣

（與黃鶴樓隔江對峙）

傑閣飛甍檻外蜀吳橫萬里

風帆沙鳥天邊江漢湧雙流

靈瀆走雙龍夾岸直疑銀漢落

仙蹤杳孤鶴隔江但有白雲天

棟宇逼層霄憶幾番仙人解佩詞客  
題襟風月最佳時坐倒金尊却喜青

山排闥至

川原攬全省看不盡鄂渚烟光漢陽  
樹色樓臺如畫裏臥吹玉笛還隨明  
月過江來

漢口夕陽斜度鳥  
楚江燈火看行船

仙棗亭

（在黃鶴樓之左舊名太白亭）

白亭）

攢勝我長吟碧落此時吹玉笛  
學仙人漸老白頭何處覓金丹

宛然海上三山貌矣安期先我亭前  
探棗實

猶是江城五月仙乎太白與君笛裏  
聽梅花

此地饒千秋風月  
偶來作半日神仙

千年仙棗不留核  
五月落梅猶有花

金陵莫愁湖

（相傳楚中亦有莫愁湖）

愁湖）

國士難逢一代雲龍留勝蹟  
美人已去千秋海燕識芳名

湖本無愁笑南朝迭起羣雄不及佳  
人獨步

棋何能勝爲北道誤投一子遂教此  
局全輸

一片湖光比西子

千秋樂府唱南朝

紅藕花開打槳人猶誇粉黛  
朱門草沒登樓我自弔英雄

人喚莫愁湖喚莫愁天下牢愁原不  
少

王宜有像侯宜有像眼中遺像此無  
多（湖樓中有徐中山曾文正像）

笠屐偶重來風月依然魚娃學打花  
邊槳

古今同一局湖山再造國手能生劫  
後棋

烟雨湖山六朝夢  
英雄兒女一枰棋

此地曾傳湯沐邑  
何人錯認鬱金堂

吳郡網師園

風風雨雨暖暖寒寒處處尋尋覓覓  
鶯鶯燕燕花花葉葉卿卿暮暮朝朝

金閶拙政園

北院喜新成有寒碧千層遠青一角  
東君如舊識正庭槐垂蔭梁燕將雛

黔中飛雲洞

洞闢幾時問孤松而不語  
雲飛何處輸老鶴以長閑

黔中鎮遠大王灘亭

到岸猛回頭聽潯陽第一灘聲浪與  
篙爭好仗神威資利濟  
順流須努力看黔國萬重山水峯隨  
舵轉全憑忠信涉風波

福州方廣巖

石室雲開見大地山河三千世界  
水簾風捲露半天樓閣十二闌干

巢居閣（在孤山放鶴亭上）

祠倚水仙王北宋尙留高士躅  
樹成香雪海西湖重見古時春  
華表千年遺蛻可聞元鶴語  
孤山一角暗香先返玉梅魂

石門洞（在温州青田縣）

似洞非洞適成仙洞  
無門有門便是石門

江西吳城望湖亭



五夜樓船曾上孤亭聽鼓角  
一尊濁酒重來此地看河山

廬山絕頂

足下起祥雲到此處應帶幾分仙氣  
眼前無俗障坐定後宜生一點禪心

泰山壺天閣

登此山一半已是壺天  
造絕頂千重尙多福地

京師陶然亭

穿荻小車疑泛艇  
出林高閣當登山

似聞陶令開三徑  
來與彌陀共一龕（集句）

嵩山

近四旁惟中央統泰華恆衡四塞關  
河供神嶽  
歷三朝爲都會包伊洛瀍澗三台風  
雨作高山

望望七十二峯工部遊時詩聖有誰  
能繼響

遙遙一千餘載文公去後嶽雲從此  
不輕開

山陰香爐峯石屋

花雨欲隨巖翠滴  
松風遙傍洞雲寒

京師孫公園戲臺

地近春明當年甥館清娛幾聽後堂  
絲竹  
序先秋禊此日師門暇豫共陪高閣  
檐帷

京師梁家園

檻外遠山排闥繞  
樓前積水當湖看

金鼇玉蝮橋柱

玉宇瓊樓天上下  
方壺員嶠水中央

北通州河樓（樓臨連渠）

高處不勝寒溯沙鳥風帆七十二沽  
丁字水  
夕陽無限好對燕雲薊樹百千萬疊  
米家山

藏書閣（在杭州靈隱寺華嚴閣  
後）

著作集名流好事數當年白傅  
文章留慧業賞音俟後世揚雲

虎溪橋

橋跨虎溪三教三源流三人三笑話  
蓮開僧舍一花一世界一葉一神仙

瞻園東山樓（秦澗泉學士自

題）

辛勤有此廬抽身歸矣喜鳥啼花笑  
三徑常開好領取竹簾清風茆櫓暖  
日

蕭閒無個事閉戶恬然對茶熟香溫  
一編獨抱最難忘別來舊雨經過名  
山

姑蘇滄浪亭（三次修葺齊梅麓

太守題聯）

四萬青錢明月清風今有價  
一雙白璧詩人名將古無儔（前亭  
祠蘇長史後亭祠韓蘄王）

七星潭閣（在蘇州玄妙觀中）

千樹桃花萬年藥  
半潭秋水一房山（集句）

虎邱景李堂（在白公祠內牡丹

頗盛）

一序證前遊太白光芒神久在  
三章懷絕調牡丹時節我重來（太  
白有虎邱夜遊序）

驛亭聯

野鳥有聲開口勸君暫且息  
山花無語點頭笑客不須忙

貞娘墓

寒潭千載潔  
玉骨一堆香

嘯軒

嶺海答傳書七百年佛地因緣不僅  
高樓鄰白傅  
岷峨迴遠道四千里仙蹤遊戲尙留  
名刹配黃州（軒在定慧寺旁辭係寺僧所乞書）

翰墨溯高風輪扶大雅

椒馨薦遺愛鼎峙前賢（將改爲三賢堂並祠蘇周况三公）

江海宿緣深片石獨留古吳郡

軒檻遺址拓瓣香長溯舊蘇齋（軒楣懸有王虛舟題蘇齋二字）

江陰吳季札墓（墓有孔子所題

斷碑遇雷雨而續）

星斗芒寒君子墓

風雷靈護聖人碑

湖心亭

野烟千疊石在水  
漁唱一聲人過橋

二穗堂（在上海豫園中）

此卽濠間非我非魚皆樂境  
恰來海上在山在水有遺音

吳下課耕樓（集句）

側同幽人居水木明瑟  
遂存往古務冬夏播琴

天游峯一覽臺（在武夷山中小

桃源之上）

世間有石皆奴僕  
天下無山可弟兄

小桃源（在武夷山中）

喜無樵子復看奕  
怕有漁郎來問津

詩話樓（在武郡城中）

隱釣風分七里瀨  
品詩意到六朝人

帶經堂（在姑蘇南園中）

勝地怕重經記當年絲竹宴諸生  
回頭似夢

名園須得主幸此日樓臺逢哲匠  
著手成春

石湖澗（在武夷山中）

松聲竹聲鐘磬聲聲自應  
山色水色烟霞色色皆空

揚州趙氏園戲臺聯

坐客爲誰聽二分明月簫聲依稀杜  
牧

主人休問有一管春風詞筆點綴揚  
州

古虞桃源澗

乍來頓遠塵囂靜聽水聲真活潑  
久坐莫嫌荒僻飽看山色自清涼

福州小西湖

桑拓幾家湖上社  
芙蓉十里水邊城

海州雲台山

海甸湧名山烟複雲回慧業真靈參  
五嶽

洞天開福地陽舒陰霽馨香瑞應啓  
三元

世外憑空一面峯巒三面海  
雲中結構二分人力八分天

裴公亭（在資江南岸）

代裴公稱一日主人風月江山與此  
老平分千古

到石上問三生舊跡宰官仙佛想當  
年定許重來

福州鼓山喝水崖

爵比郭令公歷中書二十四考  
壽同廣成子住崆峒千三百年  
(聯係磨崖大字每字高寬二尺餘)

聽泉樓(在蜀岡中東兩峯之間)

風生碧澗魚龍躍  
月照青山松柏香

揚州平山堂

幾堆江上畫圖山繁華自昔試看奢  
如大業令人訕笑令人悲涼應有些  
逸興雅懷纔領得廿四橋頭簫聲月  
色

一派竹西歌吹路傳誦於今必須才  
似廬陵方可遨遊方可嘯詠切莫是  
濃花濁酒便當了六一翁後餘韻流  
風

豔雪亭(在蜀岡大起樓之南)

楊柳風來潮未落  
梧桐葉下雁初飛(集句)

揚州駕鶴樓

竹裏登樓風引三山不去  
花間看月溪流四序如春  
灣過茱萸松竹三霄水碧  
階翻雲葉亭臺四序天香

揚州杏軒（在駕鶴樓之旁）

檻外山光歷春夏秋冬萬千變幻都  
非凡境  
窗中雲影任東西南北去來淡蕩洵  
是仙居

松寥閣（在焦山之麓）

形勢拓南徐對秣陵山色瓜步江光  
何處平分吳越  
畫圖開北固有米老庵存衛公塔在  
依然映帶金焦

天與雄區欲游目騁懷一層更上  
地因多景喜山光水色四望皆通

滕王閣

依然極浦遙山想見閣中帝子  
安得長風巨浪送來江上才人  
我輩復登臨極目湖山千里而外  
奇文共欣賞人在水天一色之中  
（集句）



帝子長州仙人舊館  
將軍武庫學士祠宗

隔岸眺仙跡問樓頭黃鶴天際白雲  
可被大江留住

繞闌尋勝蹟看樹外烟波洲邊芳草  
都憑傑閣收來

### 太白樓

謝宣城何如人只憑江上五言詩要  
先生低首

韓荆州差解事肯讓階前盈尺地容  
國士揚眉

公昔登臨想詩境滿懷酒杯在手  
我來依舊見青山對面明月當頭

詩酒神仙天自夢中傳彩筆  
樓臺花月人從江上拜宮袍

吾輩此中堪飲酒  
先生在上莫題詩

隨園（在金陵城內是袁子才所  
築）

此地有崇山峻嶺茂林修竹  
其人讀三墳五典八索九邱（集句）

江浦縣東城堞樓（背山面江  
形勢絕勝）

地軸轉洪濤月湧星隨三楚江聲分  
浦激

天關開重鎮烟霏霧斂六朝山色擁  
臺隍

恆山南關

峻嶽鎮幽燕近翊黃圖風雨永昭和  
會

靈山鐘畢昂遙連紫塞陰陽迭起貞  
元

山東趵突泉

畫閣鏡中看幻作神仙福地  
飛泉雲外聽瀉成山水清音

山東大明湖

四面荷花三面柳  
一城山色半城湖

湖南岳陽樓

湘靈瑟呂仙杯坐攬雲濤人宛在  
子美詩希文筆笑題雪壁我重來

吳楚乾坤天下局

江湖廊廟古人心

四面湖山歸眼底

萬家憂樂到心頭

杜老乾坤今日眼

范公憂樂古人心

成都薛濤井

古井斜陽問幾樹  
枇杷何處是校書門巷

長江橫曲檻  
牘一樓風月要平分  
工部祠堂

陝西馬嵬坡（楊貴妃縊死處）

鶯花尙戀霓裳影  
環珮空歸月下魂（集句）

陝西潼關

華嶽三峯憑檻立  
黃河九曲抱關來

湖南羅漢堂

洞口闢自那年吞  
不盡瀟湘奇氣巖腹藏些何物怕  
莫是今古牢騷

江西小姑山

有美一人中夜聞  
五珠環珮遺世獨立  
下游起兩點金焦

岳州小喬墓

姊妹花殘青草湖  
邊雙斷雁環環月冷  
紫藤牆外有啼鶯  
戰士久無家  
赤壁清風蘇子賦  
佳人猶有塚  
黃陵芳草杜鵑啼

銅雀有遺悲豪傑功隨三國沒  
紫鴟無限恨瀟湘月冷二喬魂

九江庾樓

半壁江山六朝雄鎮  
一樓風月幾輩傳人

金陵徐中山王故宅

大江東去浪淘盡千古英雄問樓外  
青山山外白雲何處是唐宮漢闕  
小苑春回鶯喚起一庭佳麗看池邊  
綠樹樹邊紅葉此中有舜日堯天

蘇州真娘墓

香草美人憐千古豔名齊小小  
茅亭花影宿一泓清水問愁愁

紹興蓬萊閣

八百里湖山知是何年圖畫  
十萬家烟火盡歸此處樓臺

西冷蘇小墓

湖山此地曾埋玉  
花月其人可鑄金（集句）  
落花流水杳然去  
油壁香車不再逢

少陵草堂

水石適幽居想溪外微吟翠竹白沙  
依草閣

樓臺開暮景結花間小隊野梅官柳  
接春城

杜公神龕

旁人錯比揚雄宅

日暮聊爲梁甫吟（集句）

陸放翁配享龕

錦里先生爲老伴

玉霄散吏是頭銜（集句）

黃河南岸蕩誼樓（清道光時）

長懋亭將軍楊時齋督部克復西  
域之紀功處（

外域全歸坐攬關山皆勝地  
上遊得據笑談西北有高樓

蘭州城北鎮遠橋（當黃河之

衝水勢險絕）

天險化康衢直如海市樓中現不住  
法

河孺開畫本安得雲梯關外作如是  
觀

杭州靈隱山

龍澗風迴萬壑松濤連海氣  
鷺峯雲斂千年桂月印湖光

杭州烟霞洞

偷他日蠟屐重來須記取山中松徑  
攜一片紅雲歸去莫錯認世外桃源

杭州西湖韜光

樓觀滄海日

門對浙江潮（集句）

杭州天竺

佛亦愛臨安法象自六朝留住  
山皆學靈鷲洛迦從南海飛來

安慶大觀亭

秋色滿東南自赤壁以來與客泛舟  
爲此樂

大江流日夜問青蓮而後舉杯邀月  
有何人

揚州廿四橋

勝地據淮南看雲影當空與水平分  
秋一色

扁舟過橋下聞簫聲何處有風吹到  
月三更

焦山夕陽樓

夕陽無限好

高處不勝寒（集句）

桂林獨秀山之五詠堂

得地領羣峯日極舜洞堯山而外

登堂懷往昔人在鴻蒙鳳舉之中

桂林獨峯秀（峯頂磨厓詩字如

林）

勝地如畫圖是賢守遺區雄藩舊館

靈山託文字有叔齊作記孟簡題名

（叔齊孟簡皆石壁刊字）

福州鳳池書院

池浴文禽從羅舍夢裏飛來覽德茂

林翔吉羽

岡鳴翮鳳向劉總筆端拈出遷喬河

閣聽和聲

廣東雷瓊道署（暗藏瓊州全府

州縣名）

定安全計策坐鎮瓊山開樂會以會

同官統府州縣羣僚獨臨高位

澄邁往襟懷清揚陵水佐文昌而昌

化理合萬儋崖諸邑共感恩波

廣東陽明書院

心學揭良知憶當年息馬投戈頓化

遐陬成類璧

教思追大雅欣此日橫經鼓篋共歌

樂職布中和

廣東西邕書院

賀水溯遺風八千里遠隸邊庭文軫  
至今通桂管

台山留講席二百年久陶元化禮堂  
終古衍薪傳

桂林府署得月樓

簿領有餘閒退食聊爲容膝地  
簪纓多俊侶清談多是素心人

毗陵周氏盟鷗館

別館署盟鷗列兩行玉佩珠簾幻出  
空中樓閣

新巢容社燕約幾個晨星舊雨來尋  
夢裏家山

京師福州會館

海嶠星從天上聚  
長安春占日南多

同人於門羣賢畢至

適子之館吉事有祥（集句）

浴海烟門鼇背月  
看花人步鳳城霞

京師吳江會館

來看上苑鶯花今日幸同良會  
記省松陵文獻他年得似何人

福州會館元宵燈聯



百五春歸三五日  
九重天散萬重花

社火憶鄉風海駕鼉山萬盞燈球爭  
買夜

粉團仍蜜讌風和鶴餞三更春箭正  
傳觴

碧海無波總買來簫鼓千場魚龍百  
戲

金臺不夜看裝出琉璃世界錦繡天  
街

廣東武林會館戲臺聯

一闋荔支香聽玉笛吹來徧傳南海  
雙聲楊柳曲問金樽把處憶否西湖

漢口長沙會館

隔秋水一湖耳看岸花送客檣燕留  
人此境原非異土

共明月千里兮記夜醉長沙曉浮湘  
水相逢好話家山

安徽育嬰堂

父兮生母兮鞠俾無父母有父母此  
謂民父母

子言似孫言續視猶子孫卽子孫以  
保我子孫

僧房

一笑手拈花問梅子黃乎木樨香未  
三乘心印月待淨瓶踢倒水鏡參開

僧舍

松聲竹聲鐘磬聲聲自應  
山色水色烟霞色色皆空

歙縣會館

清樽夜話黃山樹  
彩筆朝題紫陌花

揚州府署

上客盡知名杜牧詩才鮑昭賦手  
前賢有遺韻魏公芍藥永叔荷花

袁氏花園

方朔少時二十萬言書盡讀  
傅隆老去八千餘紙手親抄

(五)祠宇廟觀巧對

杭州林處士祠

華表千年遺蛻應聞元鶴語  
孤山一角暗香先返玉梅魂  
第三橋是蘇學士堤問夾浦垂楊可  
似老梅冷淡  
不數步有岳鄂王墓慨中原戰馬何  
如野鶴逍遙

梅花已老亭空鶴  
處士長留山不孤

杭州林太守迪臣祠

爲我雲山留一席  
看人宦海度雲帆

清福幾身修伴逋仙高隱少尉孤忠  
一嶺梅花尋冷趣

遺風三代上繼白傳呼賓蘇公判事  
兩堤楊柳繫謳思

文文山祠

功在睢陽昔尙敵牙思啖賊  
蔭垂蠡水今猶挽手欲迴瀾

中原戰伐老圃棲遲往蹟惟餘秋水  
白  
今日樓台昨宵烽火一尊猶對晚山  
青

諸葛武侯祠

義胆忠肝六經以來二表  
託孤寄命三代而下一人

岳武穆祠

晚受國恩封花誥春深已見東窗事  
發

早蒙家難死寒泉秋碧好同西市魂  
歸

久要不忘平生所言古誼若龜鑑忠

肝若鐵石

敢問何謂浩然之氣下則爲河岳上  
則爲日星

三字奇冤千秋碧血

一生忠勇萬古綱常

未迎二帝還朝瀝血千秋含憤激  
已了一生完節流風萬古頌忠貞

民族主義歷元清鼎革始達完全如  
神有知稍解生前遺恨

聖湖風景得祠墓點綴差不寂寞茲  
地之勝允宜廟貌重新

精誠與松柏同堅萬古昭昭公自大  
名垂宇宙

廟貌共湖山並壽寸衷耿耿我爲時  
勢弔英雄

一門忠孝惇史所傳果當年痛飲黃  
龍早驅胡虜

百代馨香社祭可守賴此地長埋碧  
血不負明湖

日月照孤忠三字沉冤大地裂裳盟  
白馬

江山憂半壁重新祠宇中原遺恨飲  
黃龍

凜凜孤忠雖死不忘瞻北闕  
森森古木至今猶表向南枝

劉關張三義祠

漢室賴三人留得住百年社稷  
桃園尊一結解不開萬古肝腸

嚴子陵祠

不臣漢室真高尙  
曾犯宸垣豈等閒

韓文公祠

蘇學士前傳謫宦  
孟夫子後拜先生

三賢祠

溯後先三百載游蹤異代同堂能結  
有情香火

冠古今第一流人物文章事業也如  
無盡江山

白蘇公祠

中有仙龕虛一室  
更邀明月作三人

程明道先生祠

愛物爲心一命於人亦有濟  
得民以道千秋斯統不虛傳

草聖祠

書道入神明落紙雲烟今古競傳八

法

酒狂稱草聖滿堂風雨歲時宜奠三  
杯

朱文公祠

前公山後文山一氣蜿蜒知天地精

華所萃

始小學終大學真源脈絡統聖賢體  
用之全

文藻山朱文公祠

道統闡薪傳洙泗真源今未墜

儒型垂梓社滄洲精舍此重開

歸震川先生祠

儒術豈虛談水利書成功在三江宜  
血食

經師偏晚達篇章論定狂如七子也  
心降

阿公祠

纏井絡以界坤維天府奧區黃極未

歸雄帶礪

控荆蠻而引秦隴巖疆重任臣心寅  
畏凜冰淵

陶文毅公祠

改鑿法近悅遠來試觀淮浦連年浩  
浩穰穰豈惟追齊相夷吾府海功施  
稱再造  
薦飭馨春祈秋報况對郁州勝境熙  
熙皞皞真可繼晉賢靖節名山祀典  
祝三元

楊忠愍公祠

燕市宅依然兩疏共傳公有胆  
鈴山堂在否十年不出彼何心

永平府夷齊祠（永平在商朝爲

孤竹國）

兄讓弟弟讓兄父命天倫千古重  
聖稱賢賢稱聖頑廉懦立百世師

曾子祠

述格致誠正修齊平治之傳萬世咸  
承厥訓  
超德行言語政事文學而外一人獨  
得其宗

顏子祠堂

馨香分郭外之田夕膳晨饒詎敢作  
拾塵野祭  
展拜守家中之訓左昭右穆何須繙  
爭座名書

文昌祠

宇宙大文章原從孝友

古今名將相氣作星辰

桂殿飛鸞銜來蝌蚪三千字

蕉窗煉筆揮就烟霞五色書

具千百年法眼看破古今來英雄豪

傑大富貴全由命真造化不論文若

無一點丹心未許誇談將相

現九十八化身歷盡人世間顯晦升

沈老頭子莫怨天狂後生休使氣但

裕六經實學自然唾手功名

耕穫在心田便贏得讀書種子  
品題歸玉籍莫忘了陰隲文章  
童號梓潼錫士子功名於陰隲  
位參金錄顯大人報應於文章

湖北至德祠（即秦伯祠）

違親不孝背君不忠敢辭瘴雨蠻烟  
採藥當年心最苦

傳季而王偕仲而霸豈憶吳頭楚尾  
瓣香到處德維新

湖北石首縣繡林山漢昭烈孫

夫人合祠



錦繡江山半壁雄心敵吳魏  
風雲兒女千秋佳話掩甘糜

杭州朱公祠

由孔孟而來二千年衛道傳經獨振  
斯文統緒  
當光甯之世五十日格非陳善允宜  
此地烝嘗

福州西湖宋朝丞相李忠定公

祠

進退一身關社稷  
英靈千古鎮湖山

三賢祠（祀歐陽文忠蘇文忠王

文簡）

遺韻滿江淮三家一律

愛才如性命異世同心

一代兩文忠到處風流標勝蹟

三賢同俎豆何人尙友似先生

河南三賢祠（祀李太白杜少陵

高達夫）

萬古兩間容嘯傲

青天明月此三人

江州白太傅祠

楓葉四舳秋棖觸天涯遷謫恨

潯陽千尺水勾留江上別離情

但是人家有遺愛

曾將詩句結風流

杭州西湖陸宣公祠

兩廡薦馨香咸欽名相謨猷大儒學

問

六橋攬風月猶似川雲宦蹟烟雨家

鄉

濟甯仲由祠

允矣聖人之徒聞善則行聞過則喜

大哉夫子所勇見危必拯見義必爲

衛輝府子夏祠

性道在文章深造自得

廉平稱治績遺愛無窮

觀音大士祠

法雲廣蔭無遮會

慧日高懸有相天

泡影乾坤妝成寶相

色香世界幻出空花

真實不虛大慈悲度一切苦厄

意識無界空色相現五蘊光明

千手觀音

菩提今菩提具大神通忽現千般手  
眼  
自在觀自在是真佛力總由一念慈  
悲

卽色卽空現慈悲相吾無隱爾  
是萬是一具手眼人自能辨之  
音亦可觀方信聰明無二用  
佛何稱士須知儒釋有同源

天竺送子觀音祠

我具一片婆心抱個孩兒送汝  
你做百般好事留些陰隲與他

望海觀音

南海駕慈航恩普衆生超苦海  
西天懸慧日光昭萬姓被人天

杭州天竺

座上蓮花占斷西湖三月景  
瓶中楊柳分來南海一枝春

諸葛武侯廟

伊呂允堪儔若定指揮豈僅三分興  
霸業  
魏吳偏並峙永懷匡復猶餘兩表見  
臣心

成大事以小心一生謹慎  
仰流風於遺像萬古清高

京師國子監土地祠（並祀韓

文公不知何典）

起八代衰自昔文章尊北斗  
興四門學卽今俎豆重東膠  
進學解成閒官一席曾三仕  
起衰力任鉅製千秋本六經

禹王廟

三過其門虛度辛壬癸甲  
八年在外平成河漢江淮

清江浦禹王臺（河督鼐見亭

題聯）

洪水想當年幸怪鎖洪湖十萬戶飯  
美魚香如依夏屋  
清時思儉德祝神來清浦千百載浴  
勤沐澤共樂春臺

求子寺

一點心苗汝那裏好生培養  
十分善果我這邊總肯周全

虞舜廟

高山仰之景行行之  
卿雲爛兮糺縵縵兮（集句）

唐堯廟

頌祝華封多福多壽多男子  
美觀帝典乃文乃武乃聖神

神農廟

典籍攷三墳草昧初開式煥人文昭  
景運

治療嘗百藥芝生攸賴永爲醫國樹  
儀型

周文王廟

蒙難觀爻石徑蒺藜皆卦象  
拘美作操雲田柞械亦琴材

孔聖廟

氣備四時與天地日月鬼神合其德  
教垂萬世惟堯舜禹湯文武作之師  
道若山河隨地盡成洙泗  
聖如日月普天猶是春秋

祖述堯舜憲章文武  
德參天地道貫古今

關聖廟

先武穆而神大宋千古大漢千古  
後文宣而聖山東一人山西一人

生蒲州輔豫州保荊州鼎峙西南掌  
底江山歸統馭

主玄德友翼德仇孟德威震華夏眼  
中漢賊最分明

果然第一英雄忠在君臣義在兄弟  
使不忠不義人對此應教愧煞  
真個無雙豪傑德兼文武行兼春秋  
惟有德有行者拜焉越顯靈通

赤面秉赤心騎赤兔追風馳驅時無  
忘赤帝

青燈觀青史仗青龍偃月隱微處不  
愧青天

賢者觀時當西蜀未收昭烈尙無尺  
土操雖漢賊猶是朝臣至一十八騎  
走華容勢方窮促而慨釋非徒報德  
祇緣急國計而緩奸雄千古有誰共

白

君子喻義恨東吳割據劉氏已失偏  
隅權卽人豪詎應抗主領八十一州  
稱敵國罪實難逃乃拒婚豈曰驕矜  
明示絕強援以尊王室寸心只在自  
知

大義在春秋慷慨一言成骨肉  
丹心懸日月艱難百戰識君臣

文武聖合祀廟

文德昭昭等喬嶽泰山而並重  
精忠耿耿與秋霜烈日以爭嚴

集斯道之大成曰文曰武

秉兩間之正氣維孝維忠

千秋翰墨文光燦

萬古旌旗武烈昭

關岳配祀廟

春秋匪懈祀典重新漢千古宋千古

宇宙常存神功並著忠一生勇一生

大義千古大忠千古

晚漢一人晚宋一人

義存扶漢三分鼎

志在平金一片心

城隍廟

惟神則明無慚衾影

夫微之顯不爽毫釐

舉念有神知善惡正邪能立判

照人如鏡朗吉凶禍福總無私

爲人果有良心初一十五何用爾燒

香點燭

作事若昧天理半夜三更須防我鐵

練鋼叉

善惡難瞞不必階前多叩首  
瑕瑜了徹豈容臺下細搖扇

吉士叩庭階彼自有感非爲享共儀  
而福也

惡人緩刑罰豈真無因正欲盈厥罪  
而誅之

居暗室如對神明及早回思莫倖當  
時瞞易過

在生前要思死後急宜猛省休教到  
此悔嫌遲

時雨時暘玉女銅官皆有度  
好人好事橋蛟山虎總無驚

善惡不爽錯銖爾欲欺心神未許  
吉凶豈饒分寸君能昧己我難瞞

地獄卽在眼前莫到犯了罪時方纔  
省悟

孽鏡曾懸台上祇要過得意去也肯  
慈悲

任憑你無法無天到此孽鏡懸時還  
有問否

須知我能寬能恕且把屠刀放下回  
轉頭來

東嶽廟



雲行雨施不崇朝而遍天下  
體大物博祖陽氣之發東方  
孽海茫茫歎人壽無多一誤豈容再  
誤

輪迴轉轉仰神靈有赫今生要想來  
生

茹荼良善莫灰心也須知六道輪迴  
今生作者來生受

漏網奸雄休得志試請看兩廡地獄  
活時容易死時難

爵與天齊從古游魂歸岱嶽  
功司地藏卽今大澤遍崇朝

嶽鎮東方近挹明星迎紫氣  
位崇木德恆舒春令澤蒼生

張睢陽廟

抗節濟時艱論當年守禦聲威實先  
郭汾陽李臨淮功存廟社

顯忠關世教考茲土蒸嘗舊典當與  
伍子胥陳武烈氣壯湖山

祿山慶緒惶然其無君父當年卽破  
孤城効忠亂賊曾邀富貴之幾時  
令狐尹奇不幸而有子孫今日試登  
雙廟下拜先生將置祖宗於何地

天后宮

八百年寰海昭靈溯湄嶼飛昇九物  
宗風榮廟祀  
四萬頃具區分派喜婁江新濬三吳  
水利沐神庥

彌陀殿

布袋全空容甚物  
跏趺半座笑何人  
終日解其頤笑世事紛紜曾無了局  
經年坦乃腹看胸懷洒落却是上乘  
大肚能容了却人間多少事  
滿腔歡喜笑開天下古今愁

大慈悲能布福田曰雨而雨曰暘而  
暘祝率土豐穰長使羣生蒙樂利  
諸善信願登覺岸說法非法說相非  
相學普門功德祇憑片念起修行

歡喜菴

冠履肅丹楹似丞相祠堂柏鬱森森  
承雨露  
聲威通紫塞憶將軍幕府旌揚熠熠  
壯風雲

五顯廟

九江孔殷以享以祀  
五人爲伍乃聖乃神

趙雲廟

義胆大於身陷陣摧鋒在昔號常山

虎將

忠魂符厥號興雲降雨至今冠洸水

龍神

龍王廟

志節慕睢陽憂國讀書尙記金龍山

在

英靈周伍相飛芻挽粟正須白馬潮

來

惟德動天龍之爲靈昭昭也

其功在水神之格思洋洋乎

迢四海以爲王功能配地

邁羣龍而立極德可參天

水職有專司施雨行雲八極九州皆

浹洽

王宮看分建興仁布澤三城五嶺盡

沾濡

龍王廟謝雨聯

熒惑喜攢藏保合太和安盛世

雨暘回造化曲成萬物兆豐年

地藏殿（嵌字）

於諸佛中出一頭地

是造物者之無盡藏

一顯珠光天惟覺

半聲鐸響地魂驚

現慈悲法身多方濟渡

作廣大教主到處津梁

韋陀殿

禪宮寂寞堪磨杵

佛性莊嚴也佩章

因訪浮生閒半日

咸修寶地應三洲

護法全憑一杵訣

澄心普照萬家春

百萬慈雲揮手遍

三千寶慧現珠圓

彭祖殿

七百歲八百年犬戎流血祀身世  
四十妻五十子服藥獨臥妙權衡

玉帝殿

尊尙元穹步清虛而登九五  
聖稱無極居太上以遍三千  
道統諸天功啓三皇五帝  
法用上界心存萬類羣生

三清殿

寶殿巍峨瞻金相莊嚴已接三清法  
界

天香縹緲對玉容整肅如登九府神  
宮

具極大神通一炁三清拯盡四洲黎  
庶

顯無邊法力離龍坎虎終成萬劫金  
仙

三官殿

正氣調元天地人同歸掌握  
存神過化上中下統屬旣幪

輔天地掌水衡赫赫恩被六合  
握乾坤司坎位昭昭靈應九霄

真武殿

以三十六修成道德  
得七十二化伏龜蛇

道本真通總攝靈源歸靜穆

魔憑伏式還將生氣寓威嚴

赤足踏龜蛇衆妙无名玄之至  
散髮冲牛斗羣魔盡掃武爲真

魁星閣

不衫不履居然名士風流只因醜陋  
形骸險湮沒了胸中錦繡  
能屈能伸自是英雄本色可惜崢嶸  
頭角誰識你的筆底珠璣  
筆點青雲育億萬人之靈秀  
元開紫極耀千百世之文明

痘神堂

種果在生前願斯世無災無害  
拈花參妙相惟爾神能發能收

財神廟

富若可求當念生財有大道  
惠而不費益知造物無盡藏

無以爲寶惟善以爲寶則財恆足矣  
義然後取人不厭其取又從而招之  
天之道地之利人之利物之宜得此  
其富可致乎  
生者衆食者寡爲者疾用者舒如是  
則財恆足矣

有道生財不必壓殘金塢  
無私惠我何須鑄盡銅山

玄壇廟

鐵面揚威功能點鐵  
金鞭耀武術可堆金

燈火千秋光威黑虎  
香烟一縷瑞繞金鞭

王靈官殿

一心清淨本無雙  
溥利永垂萬禳  
三教莊嚴居第二  
光明普照十方

灶君廟

天上四時春作首  
人間五祀祭爲先  
日照金磚呈瑞色  
烟浮玉鼎有餘香  
水木成功崇五祀  
火土濟美惠羣黎

土地廟

神靈哉不威自畏  
公老矣有德斯尊  
正直爲神人民有赫  
平安賜福惠我無疆

此戶可封伏神威而保萬姓  
聚爐相望藉福澤以惠四方  
位居中央合天德而行化育  
靈通上帝本地利以宰生成  
聚首話鄉情三春齊集枌榆社  
虔誠通默禱萬古常留俎豆新

呂祖廟

數着殘棋江月曉  
一聲長嘯海天秋

救苦拯危妙藥挽回恩再造  
行仁錫福慈雲普遍利羣生

文昌宮

道氣遠超天地外  
文光迴射斗牛間  
上則星辰下河嶽  
昔爲循吏今儒林

韓文公祠

雲山金石圖書此地可稱三絕  
循吏儒林隱逸先生自有千秋

文帝武帝廟

文明滿天下 千秋翰墨文光燦  
威武鎮人間 萬古旌旗武烈昭

位秉圖書欽奉文章盈宇宙  
志存忠義仰瞻武烈貫天人

文德昭昭等喬嶽泰山而並耀  
精忠耿耿與秋霜烈日以爭嚴

武帝文帝



大義秉綱常千秋浩氣昭雲漢  
德星輝翰墨萬古文光燦斗牛

十七世士大夫未嘗酷吏虐民文傳

陰隲

數百年漢天下必欲吞吳伐魏志在

春秋

于少保廟

守經達權是社稷之臣也  
知來藏往以神明其德夫

鐘馗廟

奇才人不識

怪貌鬼能欽

高低輪寶劍

遠近伏邪魔

準提寺

準把塵凡皈手眼

提將苦海入香花

佛相本圓通露手眼千般準提世界  
衆生何阻滯見曇花五品無限祥光

武帝華光廟

赤兔常隨三界顯  
火鴉時傍五通靈  
縱橫浩氣凌霄漢  
淡蕩瓊花耀火輪

老君殿

百丈金身開翠壁  
五千文字闕瑤緘

北帝殿

萬物總歸三尺劍  
五雲時現七星旗  
水德淵源流炎海  
神威顯赫耀南天

劍擊風雷天地動  
旗翻海岳鬼神驚

德容靜鎮凝金闕  
法眼高懸炳玉虛

萬浪盡朝宗法著南天開帝座  
五雲扶聖教氣騰北極普神庥

位鎮坎方聖本佑民而錫爵  
權欽北極帝惟真德以居尊

位鎮北方朔漠邪妖咸斂迹  
神通水性寰區河瀆盡懷柔

張仙殿

挾彈雲中扶貴子  
懸弧天上護麟兒

弓影斜飛天上月  
彈丸拾得掌中珠

九苞彩鳳雲中落  
半夜石麟天上來

金闕化身陰錫人間金彈子  
玉樞掌職降生天上玉麒麟

井神

玉液澄清憑汲引  
金波盈滿任烹調

滔滔綠水時盈裕  
滾滾香泉用不窮

金波不竭憑龍德  
玉液常盈賴聖恩

門官

一誠本是心香達  
萬寶原從地道生

香火衆神

和平有象誠能格  
大道無私德是親

龍涎永結平安字  
豹髓常懸富貴花  
烟裊清香環玉宇  
花盈春色繞瓊樓  
燭搖紅彩儀金鳳  
香吐青烟舞玉龍  
隨地存誠能不斲  
因時獲福自無疆  
彤雲遠雜芝蘭味  
紫氣常分日月光  
烟生香裏祥雲合  
花發燈前瑞色明

華光廟

金磚高擲雲山上  
燐火常消粵海中  
慈雲遠屈江天外  
坤德彌綸澤國中  
覃恩浩蕩常流海  
后德巍峨獨配天

海神廟

功參天地育萬物  
德配坎離匯百川  
御四海濟蒼生功能配社  
駕六龍享庶物德可參天

愷澤殷流遠錫海濼山陬外  
恩膏廣被同在春風化雨中

利廣普天彌海國  
恩流大地遍南邦

銅琵琶鐵笛裊清風入徵流商應有蛟

潛翻渤海

紅袖翠釵舞皓月鑒今證古漫云蜃  
氣現樓台

### 火神廟

火德中天扶日月  
炎方一柱鎮乾坤

三昧燦瓊花永護南天法界

五通服火德長扶中土生靈

赤曜握靈符熒惑星回日月

朱輪昭法象風雷布陣乾坤

### 水神廟

舟棹顛危魚龍共沒賈客但放胆以

行素患難行乎患難

平生忠義今日風波神明直舉如在

上喚一聲立應一聲

### 天師壇

目現金光諸魅伏

神通玉訣五雷遵

赫濯聖靈千古仰  
尊嚴師範百王欽  
欲使乾坤歸浩蕩  
先將邪祟迸荒蕪

康師廟

能隨人世施靈祉  
不枉天曹受玉書  
一錠能定人間福  
萬載常爲天下神

先鋒廟

萬古先聲垂宇宙  
千秋鋒銳福生靈  
勇冠三軍千古赫  
恩覃四海萬家春

馬王廟

逐電追風多得力  
奔山涉水善調良  
聖德覃敷蕃駮駢  
神恩廣被靜騏驎  
時際清平神自逸  
地居中土馬尤閑

天醫閣

變理永調於二氣  
謳吟遙頌乎參天

劉真君廟

世情到此難容假  
神道原來只是真  
克昌有要惟爲善  
大德從來是好生

大佛殿

佛日高懸光明世界  
法輪大轉普利人天

王靈官殿

智慧萬千法留東土  
金身丈六果證西方  
三眼分明良觀大地  
一鞭利害護道南天  
瞪眼舉鞭除奸賞善  
忠心赤胆說道降魔

洪聖殿

聖德汪洋廣利來敷南瀆  
王恩浩蕩洪慈普照東方  
赤帝廟

金闕功完赫聲靈於紫極

玉清果滿鎮威武兮炎天

火職司權消盡人間苦厄

離方雍坐大開天下文明

火帝廟

左祝融右回祿同秉赫赫明明之德

峙丹山流碧水永靖嘻嘻咄咄之災

社神廟

望輦攀轅士庶輸誠皆恐後

存神過化羣生托命盡回春

玉輦此時臨真個一遊一豫

神靈隨處現洵是無體無方

代際文明變理永調於二氣

民安熙泰謳吟遙頌乎參天

大庾嶺雲封寺（一名挂角寺）

挂角何時爲遇嶺上主人猶想像千

秋風度

舉頭欲問可許山中置我試管領萬

樹梅花

許真君廟

普掃邪氛天外縱橫孤劍壯

獨依生氣檐頭清靜一瓢香



菩提庵

五覺六塵瞻仰慈尊而普渡  
三途八難皈依佛母以全消

護衛神

珠飾雙纓允矣前身童子  
金剛一杵巍然現世將軍

十王殿

孽海茫茫歎人壽無多一誤豈容再  
誤  
輪迴轉轉仰神靈有赫今生要想前  
生

孽鏡分明巧計千般難蔽掩  
夜臺淒楚公侯極品不相饒

幽廠(燒錢鏹之紙樹)

鬼道豈容冥燒圭化衣便有許多受  
用

佛場真廣大念經放燄須看立地超  
昇

天壇

五馬遙臨鳳彩龍光合德星兮神州  
照耀

十方衍慶雲蒸霞蔚萃元氣而法篆  
昭明

周武侯廟

朝有奸黨豈能成將相之功若教仗  
鉞專征蛟龍猶非對敵手  
世無聖人不當在弟子之列誰信讀  
書折節機雲曾作抗顏師

石佛嶺

心到虔時佛有眼  
運當亨時石能言

關夫人廟

生何時沒何年蓋弗可攷矣  
夫盡忠子盡孝可不謂賢乎

京師明帝王廟清雍正御製聯

治統溯欽承法戒兼資洵哉古可爲  
監

政經崇秩祀實枚式煥穆矣其神孔  
安

張桓侯廟（世傳侯工書法有刁

斗銘甚工又傳侯之後身在唐爲

張睢陽在宋爲岳武穆）

雄猛讓一人武善提戈文握管  
精英傳萬世唐曾顯姓宋留名

無錫秦伯廟

勾吳分土惟三端委垂型梅里肇基  
名最古

遷史世家第一雲祔衍緒華陂崇祀  
惠無疆

權樹湖神廟麟見亭河督得夢

而撰

示夢記江頭曾許我一帆風順  
安瀾徧河上願長此大樓春榮

河南風神廟

聖世不鳴條默佑湖河占利涉  
神功常應律潛調寒燠叶休徵

太皞陵

洩造化之機緘萬世文章開易象  
規山川之形勝千秋陵寢奠淮陽  
後天地而生朱圉猶堪尋聖蹟  
立帝王之極白雲常此護靈墟

比干墓

君意難回當此衆叛親離若但如微  
子去箕子奴無以激億萬人忠貞之  
氣

臣心不死卽茲魂飛血濺猶將以周  
日興殷日喪上訴諸六七王陟降之  
靈

邯鄲黃梁店呂公祠

萬井烟濃人間正熟黃梁飯  
四山雲起天上應開白茶花

睡至二三更時凡功名都成幻境  
想到一百年後無少長俱是古人

汲縣白雲閣奉呂純陽像

杯前三尺青蛇仙曾恍遊蓬島路  
笛外一聲黃鶴我來猶記洞庭秋

卅二色神仙寶光也似佛也似儒出  
世還入世

五千言道德真嗣亦稱師亦稱祖可  
名非常名

濟南北極閣

宮中下見南山盡  
城上平臨北斗懸

上虞虞姬廟

今尙祀虞東漢已無高后廟  
斯真霸越西施差上范家船

浙江曹娥廟

事父未能入廟傾談皆末節  
悅親有道見吾不拜也無妨

桃花江東林寺門聯

洗菜莫教流去葉

見桃猶記舊曾花

浮邱山祖師殿

中國有聖人是祖是師咄咄西來東  
土

名山藏帝子亦仙亦佛元元北鎮南  
天

蜀中姜維廟

九伐竟無成心師武侯能繼祁山六  
出志

三分不可恃計誅鄧艾已復陰平一  
敗仇

吳中周公瑾祠

大帝君臣同骨肉

小喬夫婿是英雄

顧曲有閒情不礙破曹大事業  
飲醞原雅量偏嫌生亮並英雄

長沙屈賈二公祠

親不負楚疎不負梁愛國忠君真氣  
節  
騷可爲經策可爲史經天緯地大文  
章

三閩大夫祠

何處招魂香草還生三戶地  
當年呵筆湘流應識九歌心

朱子祠

大哉夫子之功百世權衡六經羽翼  
遠矣斯文之統周程私淑孔孟聞知

眉州三蘇祠

一門父子三詞客  
千古文章四大家

是父生是子家學一門自昔聲名彌  
宇宙

難兄更難弟象賢兩世至今俎豆重  
鄉邦

江山故宅空文藻  
父子高名重古今（集句）

廣西伏波廟（路博德馬文淵皆

稱伏波此係馬伏波廟）

銅柱鎮鸞飛顧盼生風意氣真能吞  
浪泊

金門留馬式男兒報國姓名何必與  
雲臺

粵西柳侯廟

雙柏仰清標常憶養人如樹  
一池尋故蹟同欣鑿井得泉

才與福難兼賈傅以來文字潮儻同  
萬里

地因人始重河東而外江山永柳各  
千秋

柳州劉司戶祠

古猶登第厚顏安知今之必異  
鳥尙銜枚封隴何以人而不如  
(司戶野死鳥銜枚負土頃刻成墳)

胡文昭公祠

文宣聿啓文昭木鐸千秋教著江河  
日月  
有虞肇開有宋雲祲萬禩道垂禮樂  
詩書

無錫尤文簡公祠(祠旁有錫

麓書堂)

依然錫麓書堂南渡文章上跨蕭楊

范陸

允矣龜山道派東林絃誦同源濂洛  
關閩

無錫四中丞祠(海瑞湯斌周忱

孔教四人)

德澤沛三吳百利俱興萬民謳歌如

昨

勛名崇兩代四賢濟美千秋俎豆常  
新

無錫李綱祠

文克經邦武克定亂勳名過開元宰

相

忠以輔主哲以保身理學推大宋名

儒

望重三朝持亮節

書成十事秉丹心

無錫顧可久祠

事君以道無憚殺生昔人稱錫谷四

詠之冠

當官而行不求利己後世高碧山十

老之風

教成於家濟三國六朝光昭世德

慎追乎遠本一門雙義佑啓後人

無錫水仙王廟謝默卿道令題

聯

牧民資保障自公至始築城垣捍患

禦災當首數蓉湖名宦

守土展明禋粉我來忝同籍里報功

崇德祇心儀粉社先賢

遺愛成神比諸南國甘棠蘋藻潔濁

民罔替

降康祈福薦以西湖秋菊梓桑恭敬

我尤宜



無錫鄒浩祠

六經萬戶千門只慎獨兩言上接泗  
濱下肩伊洛  
三疏九年再竄痛引裾一決曉行嶺  
海夜渡瀟湘

揚州史可法祠

讀生前浩氣之歌廢書而歎  
結再世孤忠之局過墓興哀

揚州史可法墓柱聯

心痛鼎湖龍一寸江山雙血淚  
魂歸華表鶴二分明月萬梅花

殉社稷只江北孤城剩水殘山尙留  
得風中勁草

葬衣冠有淮南坏土冰心鐵骨好伴  
取嶺上梅花

一代興亡關氣數

千秋廟貌傍江山

江陰閻典史祠（明末殉難）

七十日帶髮效忠表太祖十六朝人  
物

三千人同心赴義存大明一百里江  
山

杭州岳墓鐵鑄秦檜夫婦聯

青山有幸埋忠骨

白鐵無辜鑄佞臣

丹陽陳少陽墓鐵鑄汪伯彥黃

潛善像聯

丹陛披肝千古綱常可託

荒庭屈膝兩人富貴何爲

杭州葛嶺洪忠宣公祠

身竄冷山萬死竟回蘇武節

魂依葛嶺千秋長傍鄂王墳

杭州城隍山

八百里湖山知是何年圖畫

十萬家烟火盡歸此處樓臺

溫州江中小島之江心寺

長與流芳一片當年乾淨土

宛然浮玉千秋此處妙高台

溫州文信國祠

孤嶼有鄰喜得卓公稱後死

嚴陵在望直呼皋父哭先生

杭州忠肅祠

千古痛錢塘並楚國孤臣白馬江邊

怒捲千堆雪浪

兩朝冤少保同岳家父子夕陽亭裏

心傷兩地風波

赤手挽銀河公自大名垂宇宙  
青山埋白骨我來何處弔英賢

山右薛文清公祠

開絕學於胡叔心陳公甫王陽明之  
前享祀方堪從廟廡  
集大成於西河氏太史公文中以  
後誕靈應不愧河津

佛門寺

禪門無住始爲禪但十方國土莊嚴  
何處非祇園精舍  
度世有緣皆可度果一念人心迴向  
此間卽慧海慈航

佛門寺佛堂聯

西方貝葉演真經總不出戒定慧三  
條法律

南海蓮花生妙相也只消聞思脩一  
味圓通

西巖寺

色相出真空眼界光明震旦雲霞圍

舍利

聲聞歸妙有耳根清靜乾陀鐘鼓應  
迦陵

西巖寺千手佛殿聯

一心念佛佛如來鶴淚猿啼都演出

三生妙諦

千手示人人不悟龜毛兔角直指開

四大疑團

西巖寺佛堂聯

佛言三藐三菩提禮此莊嚴即可承

三生度脫

人貴一嘖一醒豁除他罪礙何難證

一味圓通

西巖寺佛堂又聯

無罪礙方成解脫

除煩惱便是修行

鍾離祖師殿

一朝棄甲成仙不用偏裨傳兩晉

萬劫銜杯樂聖聯將散漢著三唐

準提殿

來無準去無準持準惟嚴夙夜

鐘有提鼓有提能提不絕聲聞

臨洮常山大王廟（又稱龍王

廟）

義胆大於身陷陣摧鋒在昔號常山

虎將

忠魂符厥號興雲降雨至今冠洮水

龍神

織神廟

改草衣卉服之觀人間溫煖  
極錯采鏤金之妙天下文明

揚州華佗殿

元龍幣聘以來澤被廣陵到此日青  
囊未燼

孟德頭顱安在烟消漳水讓先生碧  
血常新

天妃宮

神爲德其盛矣呼吸回天登彼岸  
臣何力之有也忠誠若水證平生

（周煌奉命使琉球舟至姑米洋遇颶

折舵遇后顯神獲救因撰此聯以謝）

大海茫茫無岸無邊觀於天天高在  
上

飄風發發可危可懼後我后后其來  
蘇

常德銅柱宮（卽許真君廟）

微斯人吳其爲沼  
賴此老海不揚波

荔浦周倉廟

當蜀魏吳之交擾攘一時能擇主  
附劉關張而後偏裨千古竟傳名

閩浙分界處楓嶺五顯神廟

(又稱五顯廟)

遠看疑畫近看似詩及至身到其間  
又覺詩畫都無着手處  
善者敬神惡者畏鬼究竟皆非異物  
須知神鬼出在自心頭

痘神廟

寶痘勻圓喜個個金丹換骨  
天花消散願家家玉樹成林

到此日方辨妍媸更向鴻蒙開面目  
過這關纔算兒女還從祖父種根苗

吳下范文正公祠

兵甲富於胸中一代功名高宋室  
憂樂關於天下千秋俎豆重蘇臺

虎邱白公祠

唐代論詩人李杜以還惟有幾篇新  
樂府

蘇州懷刺史湖山之曲尙留三畝舊  
祠堂

諷諭豈無因樂府正聲熟人口  
行藏何足辨名山大業定生前

蘇州陳鵬年祠

洛蜀任分門惟楚有才增賦肯憑官  
似虎

河淮方奪路如尊乃勇拯民忍使國  
無鳩

蘇州韋公祠

唐史傳偏遺合循吏儒林讀書不礙  
中年晚  
蘇州官似謚本清才名德臥理能教  
末俗移

蘇州况鍾祠

姓氏播絃歌韋白以來成別調  
功名起刀筆蕭曹自古是奇才

吳門許遠祠堂

待張巡若同胞先死後死與常山平  
原義分一席  
恨李翰之不作大書特書賴紫陽涑  
水筆補千秋

蘇州五百名賢祠

非關貌取前人有德有賢千載風徽  
追石室  
但覺神傳阿堵亦模亦範四時俎豆  
式金閭

百代集冠裳鑠古炳今總不外綱常  
名教

三吳崇俎豆維風勵俗豈徒在科第  
文章

鄉賢祠

達尊乎鄉俎豆千秋隆舊典  
善同於國烝嘗四季仰先型

名宦祠

德業並山河俎豆馨香同四海  
勳名昭日月烝嘗禴祀及千秋

貞節祠

寒歲貞松寸心金石摩蒼漢  
疾風勁草大節沐霜倚碧天

孝子祠

敦品在百行之先曰能竭其力  
有懷惟二人不寐斯無忝所生  
百行溯根源至德感人稱表率  
寸衷兼喜懼令名傳世作楷模

(六)集句集字巧對

集宮詞聯

曙色漸分雙闕外(錢起)  
語音猶在五雲中(盧綸)



獨抱琵琶尋舊曲(韋莊)

數教鸚鵡念新詩(花蕊夫人)

翠袖自隨回雪轉(李商隱)

紅顏無奈落花催(吳融)

扇裁月魄羞難掩(李商隱)

燈灑秋光靜不眠(薛能)

心寄碧流空婉變(劉滄)

語來青鳥許從容(曹唐)

終日相思却相怨(李商隱)

一杯成喜又成悲(劉長卿)

鴻雁不堪愁裏聽(李白)

鷓鴣休向耳邊啼(韓愈)

單影可堪明月照(吳映)

貞心獨有老松知(戎昱)

金屋獨眠堪寄恨(吳融)

瑤臺無路可追尋(李遠)

雁飛營度愁難歇(宋之問)

燭暗燈殘坐不辭(陸龜蒙)

簾外落花閑不掃(溫庭筠)

爐中香氣燼成灰(孟浩然)

竹葉豈能消積恨(韋莊)

杏花怎忍掃成堆(鄭谷)

集句聯

千古一詩人文章有神交有道

五湖三畝宅青山爲屋水爲隣（題

俞樓）

白首臥松雲先生有才過屈宋

茆亭宿花影故鄉無此好湖山（題

俞樓西爽亭）

集唐宋名人詩句聯

大兒孔文舉小兒楊德祖

前身陶彭澤後身韋蘇州

勸君更盡一杯酒

與爾同消萬古愁（題酒家）

中郎有女誰堪託

伯道無兒最可憐

波水遠生雁初落

風盡寒塘花正開

長疑好事皆虛事

莫遣佳期更後期

自願勤勞甘百戰

莫將成敗論三分

石窗花落春歸盡

山店燈殘夢到時

好夢肯隨蝴蝶去

離魂暗逐杜鵑飛

常愛此中多勝事  
更於何處學忘機  
四野綠雲籠稼穡  
一庭紅葉掩衡茅  
官如草木吾如土  
舌有風雷筆有神  
張顛草聖傳千古  
焦遂高談驚四筵

讀書不求其解  
窗含遠樹通書幌  
鼓琴足以自娛  
風颭殘花落硯池

萬卷圖書天祿上  
四時雲物月華中

翠竹黃花皆佛性  
清池皓月照禪心  
憶事懷人兼得句  
引杯看劍坐生風  
平生能着幾回履  
長日惟消一局棋  
數點雨聲風約住  
一枝花影月移來  
柳搖臺榭東風軟  
花壓蘭干春書長  
鐘鼎山林各天性  
風流儒雅亦吾師

詩情逸似陶彭澤  
癡號多於顧愷之  
昔日繁華今日恨  
南家歌吹北家愁  
流水斷橋芳草地  
粥香錫白杏花天  
四時最好是三月  
萬里誰能訪十洲  
閒看秋水心無事  
靜聽天和輿自濃  
老去不知花有態  
客來應是酒頻賒

藏書萬卷可教子  
買地十畝皆種松  
山泉釀酒香仍冽  
芳草留人意自閒  
養氣不動真豪傑  
居心無物轉光明  
雲生礪戶衣裳冷  
窗近花陰草硯香  
舊書不厭百回讀  
佳客時來一座傾  
酌酒賦詩相料理  
種花移石自殷勤

學業醇儒富 深情託瑤瑟

文章大雅存 逸興橫素襟

詩思竹間得 溪靜雲生石

道心塵外逢 窗虛月弄紗

冰生於水而寒於水

雲出其山復雨其山

山水有靈亦驚知己

性情所得未能忘言

薛引山茵荷抽水蓋

琴號珠柱書名玉杯

小窗多明使我久坐

入門有喜與君笑言

行道有福能勤有繼

居安思危在約思純

道旨淵微深於四子

詞華工秀大似六朝

揮茲一觴未知明日事

遠之八表正賴古人書

集杜子美詩句聯

臨風玉樹薦蘿上

承露金莖霄漢間

歌詞自作風格老

詩卷常留天地間

楚天不斷四時雨  
花氣渾如百合香

集蘇東坡詩句聯

且向東皋伴王績  
欲師老圃問樊遲  
只恐先移北山檄  
不妨還作輞川詩  
天下幾人學杜甫  
詩中自合愛陶潛  
古來畫師非俗士  
此間風物屬詩人

集元遺山詩句聯

世界原無衆香國  
花陰真是小華胥  
且從少傅論中隱  
擬向靈君乞上池  
搖筆尙堪凌浩蕩  
題詩端爲發幽妍  
七重寶樹圍金界  
千里名山入酒船  
玉樹瑤林照春色  
物華天寶借餘光

集黃山谷詩句聯

胸中已無少年事  
門外猶多長者車  
周鼎湯盤見蝌蚪  
深山大澤生龍蛇  
清坐使人無俗氣  
虛堂盡日轉溫風  
詩罷春風榮草木  
書成快劍斫蛟龍

集蘭亭序字聯

暢懷年大有 室有山林樂  
極目世同春 人同天地春  
惠日朗虛室 風竹引天樂  
清風懷古人 林亭集古春  
至人無異趣 風清人坐竹  
靜者得長生 水抱室當山  
有情天不老 一亭俯流水  
無事日斯長 萬竹引清風  
得山水清氣 今趣豈異於古  
極天地大觀 天聽可期諸人  
文情生若春水 大文間世有述作  
絃詠寄之天風 至樂在人無古今

山水之間有清契  
林亭以外無世情  
虛竹幽蘭生靜氣  
和風朗月喻天懷  
古與爲懷稽作者  
興隨所引契天然  
此地得林亭幽趣  
其人抱水竹清修  
室當靜坐蘭爲契  
人有虛懷竹與同  
古人之氣清若惠  
賢者所樂和不流

人品清於在山水  
天懷暢若當春風  
有足春隨惠風至  
無懷人合盛時生  
文生於情有春氣  
興之所至無古人  
游春人若在天坐  
聽曲情隨流水生  
情文俯仰懷遷固  
述作風流契老彭  
絲竹放懷春未暮  
清和爲氣日初長



寄興在山亭水曲  
懷人於日暮春初  
與絃作契風生竹  
列坐爲情水抱山  
遇事虛懷觀一是  
與人和氣察羣言  
得趣在形骸以外  
娛懷於天地之初  
極清閑地是蘭若  
觀自在春於竹林  
流水情文曲有致  
至人懷抱和無同

追隨永日情殊暢  
坐領春風氣不羣  
隨所遇時將靜悟  
老於文者不陳言  
放水流長觀其曲  
爲文氣盛集於虛  
靜坐不虛蘭室趣  
清游自帶竹林風  
虛懷視水人咸悟  
和氣爲春天與游  
將合萬類爲一己  
每以內觀當外游

知足一生得自在  
靜觀萬類無人爲  
羣然和者幽蘭曲  
快哉當之修竹風  
室臨春水幽懷朗  
坐對賢人躁氣無  
山有此生未能至  
竹爲一日不可無  
室因抱水隨其曲  
竹爲觀山不放長  
亭間流水自今古  
竹外春山時有無

天地之間由無生有  
山水所會以曲爲幽  
畢生所長豈在集古  
閑情自託亦不猶人  
今古畢陳趣生一室  
人天興感文可萬言  
誕妄不生虛無視事  
幽閒自得清淨爲修  
清氣若蘭虛心當竹  
樂趣在水靜坐同山  
林氣映天竹陰在地  
日長似歲水靜於人

不次之遷人同山峻  
及時爲樂情與春長  
春水初生係懷左右  
清風惠及順領情文  
小有清閑抱絃懷古  
隨其時地修己觀人  
竹林諸賢相與俛仰  
蘭亭之會豈有古今  
今文與古文期其一是  
無極爲太極化可萬殊

集醴泉銘字聯

一室圖書自清潔  
百家文史足風流  
月沼觀心清若鏡  
雲房養氣潤於珠  
功深書味常流露  
學盛謙光更吉祥  
巖前鍊石雲爲質  
檻外流泉月有聲  
德取延和謙則吉  
功資養性壽而安  
爲學深知書有味  
觀心澄覺寶生光

明月清風深有味

左圖右史交相輝

氣淑年和羣生成遂

冰凝鏡澈百姓爲心

鳳質龍文光華相映

景風淑氣仁壽同登

良玉潤珠精神流照

吉金樂石左右交輝

甘露卿雲於斯爲瑞

珠輝玉照蓋代之華

卿雲在霄延此和淑

高風冠世集其清華

瓊質金相當時之寶

頌經風緯冠世而華

集聖教序字聯

有雨雲生石 鹿門多大隱

無風葉滿山 花洞有長春

雲霞生異彩 清華詞作雲霞彩

山水有清音 典重文成金石聲

明月前身本相識

清風故人殊未來

九萬里風斯在下

八千年木自爲春

風定鐘聲花外度  
月明人影鏡中來  
機雲才學有天趣  
王謝風流本性成  
三春花滿香成海  
八月濤來水作山  
謝傅心情託山水  
子瞻風骨是神仙  
山川靈妙能增慧  
花木精神亦永年  
勝地花開香雪海  
妙林經說大羅天

門掩梨花深見月  
寺藏松葉遠聞鐘  
燈火夜深書有味  
墨花晨湛字生光  
八體六書生奧妙  
五山十水見精神  
天機清曠長生海  
心地光明不夜燈  
法雨慈雲窺色相  
清池明月露禪心  
座攬清輝萬川月  
胸涵和氣四時春

萬里波濤歸海國  
一山花木作香城  
書成花露朝分潔  
悟對松風夜共幽  
松濤在耳聲彌近  
山月照人清不寒

集多寶塔帖字聯

脫俗書成一家法  
寫生卷有四時春  
天然深秀檐前樹  
自在流行檻外雲

觀書要能自出見解  
處世無過善體人意  
於世俗中見本來面  
處家庭內無利己心

集東方朔像讚字聯

清而不矯心無滓  
儉以爲節家之肥  
德星人是東方朔  
雄辯文如石曼卿  
學以精神通廣大  
家從清儉足平安

作者多大方家數  
望之如神仙中人

集華山碑字聯

玉堂修史文皆典  
香案成書望若仙  
文康詞若豐年玉  
信本書餘太古香  
漢水長存南國紀  
風人時有西方詩  
漢璧秦璆千歲品  
光風嘉月四時春

歲星仙氣原方朔  
璧月新詞是義山

養其氣日益宏大  
尊所聞知於高明  
理定於一思起以位  
事從其朔人得所宗  
豐樂古亭是用文地  
中和嘉節乃登農書  
辭有其祖河梁五字  
思之所觸少陵七歌  
日月光照人共所仰  
風雨和會歲有其秋

集爭坐位帖字聯

一尊對明月 終身爭一息  
三徑來故人 每事必三思  
閒思參佛座 省身若不及  
清品悟心香 修辭立其誠  
足跡半天下 大文師吏部  
心知惟古人 占畫愛將軍  
畫本紛披來野意  
文辭古怪亦天真  
身向尺天崇位業  
人從香海望才名

一誠有定同葵向  
百故皆恬若海容  
欲從月地參初佛  
自據書城作寓公  
校書長愛階前月  
品畫微聞座右香  
畏友恨難終日對  
異書喜有故人藏  
直諒喜來三徑友  
縱橫富有百城書  
今既見心即見佛  
子安知我不知魚



其書莫廢文明道  
不爵而尊禮衛身  
書到右軍難品次  
文如開府得縱橫  
立志須如三古盛  
爲書自起一家言  
清香滿堂佛應喜  
明月出海天爲高  
滿室古香人有會  
當階清蔭月初中  
清時盛治人同仰  
名世高文衆所師

月寮烟閣標清興  
文府書城縱古今  
立德立功居之以敬  
友直友諒尊其所聞  
蓋世功名不矜不伐  
存心道德在敬在誠  
縱橫百家才大於海  
安坐一室意古於天  
立功德言有三不朽  
尙齒爵位無一非尊  
獨坐堂階天高月滿  
忽披書本古往今來

集繹山碑帖字聯

日有所思經史如詔  
久於其道金石爲開  
追古思今道在作者  
登高望遠時復樂之  
爲樂及時令德無極  
去古不遠直道在斯

集磚塔銘字聯

書求往迹得其化  
文有真宗鑒乃神  
明月超然懷遠鑒  
春風和處悟天心

天然文吐春雲潤  
悟後心如秋月超

集三公山碑字聯

老屋三間可蔽風雨  
空山一士獨註離騷

集玄祕塔字聯

情詞超邁高常侍  
書法清圓趙集賢  
窮經安有息肩日  
學道方爲絕頂人  
山靜日長仁者壽  
荷香風善聖之清

在山常有清靜日  
學道方爲仁聖人

集石鼓文字聯

道藝工於寫華柳  
秀靈時或載淵魚  
不華不樸同所好  
旣安旣寧樂迺時

道旨淵微深於四字  
詞華工秀大如六朝

集漢碑句聯

溫然而恭慨然而義（婁壽）  
忠以自勗清以自修（鄭固）

含和履仁天與厥福（衡方）  
發號施憲民說無疆（彪山）

下民康濟順如流水（尹宙孔彪）  
羣公憲章穆若清風（衡方魯峻）

含和履仁永享年壽（孔宙）

應期作弼入參文昌（倉頡韓勅）

蘭石之姿清少之行（魯峻）

珪璋其質芳麗其華（嘉平）

德惠旁流鬯芳遠布（劉熊）

雅度宏綽廣學甄微（魯峻）

蹈規履信立德隆禮（范式）

根道核藝抱淑守真（景君）

敦詩說禮藐然高厲（歌勳魯峻）

琢質繡章耀此聲香（校官衡方）

學爲儒宗行爲士表（魯峻）

冠乎羣彥簡乎聖心（鄭固）

聲無細聞雖遠猶近（張遷）

勞而不伐有寶若虛（孔彪）

純酥之德仁義之操（魯峻）

孝悌於家忠謇於朝（衡方）

集唐魏碑文及文賦句聯

器重南金才橫東箭（高后碑）

辨雕春囿德瑩秋天（唐太宗訪才

能詔）

赤野生姿青田矯翰（唐婁師德契

苾明碑）

白雲怡意清泉洗心（李邕葉有道

碑）

綴響蘭深緝言瓊祕（謝莊武帝冊）

沈思泉湧華藻雲浮（魏卞蘭贊述

太子賦）

蘊智成囊含明作鏡（唐劉待價令

狐仁政碑）

憑春酒翰席月抽琴（魏高湛碑）

鳥嘯歌來花濃雪聚（庚信馬射賦）

雲隨竹動月共水流（陳後主夜庭

度鴻賦）

如筠斯清比蕙又暢（唐宋儋報友書）

逢岑愛曲值石憐欵（魏美質亭山賦）

激揚碩學誘掖後進（南史張融傳）

甄明政術曉達公方（唐太宗訪才能詔）

澤雨無偏心田受潤（簡文上大法頌表）

慧雲既擁智海亦深（簡文與智炎書）

抗心希古任其所尚

含毫命素動必依真（隨姚察名畫記）

經緯區宇彌綸彝憲（文心雕龍）  
抑揚人傑雕繪士林（契苾明碑）

溥露飛甘舒雲結慶（謝莊武帝冊）  
祥禽輩作端木朋生（鮑照河清頌）

綴響蘭深緝言瓊祕（見前）  
秉仁嶽峻動智淵明（崔敬邕碑）

芝洞秋房檀林春乳  
桂深冬煥松疎夏寒（庾開府句）

蝶銜花蕊蜂銜粉

犀辟塵埃玉辟寒(李義山)

家醞滿瓶書滿架

山花如繡草如茵(集唐句)

精義測神奧

清機發妙理(集文選)

遠想出宏域

高步超常倫(集文選)

集四書聯

子爲善 斯二者 一家仁  
我欲仁 其三人 百姓足

物交物 用不足 爲心害

觚不觚 問有餘 不目逃

舜相堯 尊五美 無欲速

殷受夏 舉一隅 不加多

仁且智 吾語汝 可牽牛

實若虛 子爲誰 不問馬

雖閉戶 惡聲至 爾爲爾

將入門 禮貌衰 才不才

舜好問 王赫斯怒 君子行法  
湯執中 民具爾瞻 小人犯刑

得之不得 哀此堯獨 雖有惡人  
斯焉取斯 反其旄倪 卒爲善士

父母俱存 善人是富 無聲無臭  
妻子好合 君子固窮 至大至剛  
吾將仕矣 好行小惠 有衆逐虎  
民將仰之 則亂大謀 其父攘羊  
修我牆屋 請問其自 瞻彼淇澳  
宜爾室家 勿求於心 止於邱隅  
敏而好學 夫豈不義 樂然後笑  
樂以忘憂 然而未仁 哀而不傷  
予欲無言 若聖與仁 不得其門  
汝奚不曰 使驕且吝 甯媚於竈  
小人喻於利 異哉子叔疑  
君子恥其言 死矣盆成括

夫子焉不學 望望然去之  
先生將何之 遲遲吾行也  
胡不慥慥爾 居簡而行簡  
何爲紛紛然 執柯以伐柯  
夫我則不暇 星辰之遠也  
於予與何誅 山川其舍諸  
可謂具臣矣 非爾所及也  
願爲小相焉 夫我乃行之  
言必信行必果 是潤也非達也  
色思溫貌思恭 旣來之則安之  
今有璞玉於此 富潤屋德潤身  
吾豈匏瓜也哉 居移氣養移體

深則厲淺則揭 敏則有功公則說  
近者悅遠者來 威而不猛恭而安  
不行先王之道也  
是以後世無傳焉  
敏於事而慎於言  
持其志無暴其氣  
魚鼈不可勝食也  
牛羊又從而牧之  
子謂之姑徐徐云爾  
某何爲是栖栖者歟  
性相近也習相遠也  
求則得之舍則失之

飢者弗食勞者弗息  
道之以政齊之以刑  
飢者甘食渴者甘飲  
樂而不淫哀而不傷  
博我以文約我以禮  
知者樂水仁者樂山  
正唯弟子不能學也  
然則聖人且有過歟  
未有小人而仁者也  
然則夫子既聖矣乎  
其爲父子兄弟足法  
皆有怵惕惻隱之心



雖袒裼裸裎於我側  
與讒諂面諛之人居  
是不爲也非不能也  
求則得之舍則失之  
夫子若有不豫色然  
先生何爲出此言也  
爲其養小以失大也  
非徒無益而又害之

集左傳句聯

皮存毛附(僖十四年)  
脣亡齒寒(僖五年)

右何故能言(昭八年)  
星有時而隕(莊七年)

不以人從欲而以欲從人宋襄何憂  
鮮濟(僖十一年)

惟有可獻否亦有否獻可齊景始得  
爲和(昭二十年)

金爲火勝吳楚其仇(昭卅一年)  
龍遇蛇乘宋鄭必耗(襄廿八年)

日食不書朔史官失之(僖十五年)  
火伏而有螽司歷過也(哀十二年)

螽墜於宋告則必書(文三年)  
螻生於冬飢猶有幸(宣十五年)

(七) 地名人名巧對

府廳州縣名對

合浦(廣東)	達縣(四川)
交河(直隸)	開州(直隸)
常熟(江蘇)	靈壽(直隸)
永安(福建)	永年(直隸)
青浦(江蘇)	鹿邑(河南)
黃河(河南)	魚臺(山東)
武進(江蘇)	桑植(湖南)
文登(山東)	松滋(湖北)

陽曲(山西)	鐵嶺(遼寧)
陰平(山東)	鉛山(江西)
打箭(四川)	上林(廣西)
圍場(直隸)	大竹(四川)
赤峯(直隸)	三水(廣東)
白水(陝西)	五雲(山西)
分水(浙江)	安吉(浙江)
連山(廣東)	嘉祥(山東)
新野(河南)	鉅鹿(直隸)
古田(福建)	嘉魚(湖北)
禮縣(甘肅)	孝感(湖北)
忠州(四川)	惠來(廣東)

鶴慶洲(陝西)	麟游縣(陝西)	鶴峯洲(湖南)	龍川縣(廣西)	雷波廳(四川)	霞浦縣(福建)	宜黃(江西)	博白(廣西)	博白(廣西)	宜黃(江西)	長沙(湖南)	曲阜(山東)	聞喜(山西)	思恩(廣西)
六安州(安徽)	四會縣(廣東)	石屏洲(雲南)	銅梁縣(雲南)	萬全縣(直隸)	百色廳(廣西)	松桃廳(貴州)	桐梓縣(貴州)	桐梓縣(貴州)	松桃廳(貴州)	蓬萊(山東)	彌勒(雲南)	山陽(陝西)	江陰(江蘇)

玉帶橋	珠冠街	青雲街	朱霞街	山墩	湖墅	茶陵州(湖南)	鹽城縣(江蘇)	玉環廳(浙江)	金華府(浙江)
箬帽灘	草鞋嶺	越王山	楚妃巷	新橋	古蕩	獨山州(貴州)	雙流縣(四川)	黑鹽廳(雲南)	黃梅縣(湖北)
清河坊	渾水埠	葫蘆兜	芭蕉街	衙灣	官街				
				三元坊	五老巷				

杭州街名對

八仙石	六和塔	十字路
三聖橋	四宜亭	八卦田
夕照寺	蘇公隄	黃泥嶺
初陽臺	岳王坟	烏山峯
孩兒巷	羊角街	老東嶽
丈人峯	狗毛灘	賽西湖
百福巷	虎跑寺	燕子街
萬安橋	龍吟菴	鵲兒營
豬頭巷	小娘街	三橋址
鴨卵兜	高士坊	百井坊
延齡埠	高麗寺	火德寺
流福溝	滿洲營	水香菴

豬婆街	木屐街	八盤嶺
鱉子門	茗帚灣	九曜山

張御史巷	城南古社	范郎中巷
王狀元閣	梅東高橋	李博士橋

古今人名巧對

王巖叟	李思齊	柳三變
阮佃夫	石作蜀	張九成
鄭櫻桃	王僧綽	劉方平
郭芍藥	馬仙埠	徐圖朗
劉仁本	顧野王	鄭虎臣
范道根	沈田子	沈麟士

蔡興宗	蕭子雲	魏知古
崔慰祖	任伯雨	顧相時
吉中孚	楊完者	杜審言
溫大有	晁補之	蕭思詬
貢師泰	任蠻奴	金安上
齊履謙	張惡子	鄭居中
劉辰翁	韓擇永	謝翱蝶
逢丑父	李栖筠	鄭鷓鴣
東野	武子	鄭公孫黑
西施	文君	燕太子丹
七松處士	金衣公子	枯松太保
五柳先生	赤弁大夫	大樹將軍
		蔡有隣
		徐無黨
		莫愁
		灌夫
		漂母

一彎西子臂	高名郭有道
七竅比干心	介節王無功
高士戴安道	陳亞有心終是惡
清名宗少文	蔡襄無口便成衰
異哉子叔宜	左邱明兩眼無珠
死矣盆成括	趙子龍一身是膽
馬承學學乘馬汲汲而來	
錢同愛愛銅錢孜孜爲利	
夜夜出遊知虞公之不可諫	
朝朝來聒何許子之不憚煩	
蘭相如司馬相如名相如實不相如	
魏無忌公孫無忌彼無忌此亦無忌	

(八) 良辰佳話巧對

陽歷元旦聯

探得早梅送舊歲  
推行新歷占先春

正朔所頒推行陽歷  
韶光不遠獨占先春

陰歷元旦聯

夏歷建寅句芒司令  
東方位震太皞乘權  
遙聞爆竹知更歲  
又見桃符共換新

舊歷上元佳節聯

玉燭長調千古樂  
花燈遍照萬家春  
慶此良宵幾處笙歌騰朗月  
際茲美景萬家簫管樂豐年

端午佳節聯

綠艾懸門添藻彩  
青蒲注酒益芬芳  
建午屆天中榴圖獻瑞  
撫辰逢地臘艾綬翔華  
榴花綵綯朱明節  
蒲葉香浮綠醕樽

中秋佳節聯

喜得天開清曠域  
宛然人在廣寒宮

三五良宵秋澄銀漢  
大千世界光滿玉輪

重陽

烏帽凌風參軍舉止  
白衣送酒處士清高

除夕聯

三百六旬飛灰盡  
七十二候紀漏終

楚客迎年桃符更易  
吳農分歲爆竹聲喧

共和紀念聯

中天日月從新紀  
大地山河復舊規

旗幟標新共和誌盛  
江山依舊華夏同春

春聯

春到碧桃柳上 門雪梅初白  
鶯歌綠柳樓前 含烟柳絢青  
紅入桃花嫩 梅竹平安春意滿  
青歸柳葉新 椿萱並茂壽源長

萬戶春風陶禮樂	有天皆麗日
百年世業紹箕裘	無地不春風
百年天地迴元氣	門雪梅先吐
一統山河際太平	含烟柳尙青
九天日月開新運	春風舒柳眼
萬里笙歌醉太平	麗日展花脣
鶯聲日暖鳴金谷	家傳七寶貴
麟趾春和步玉堂	春發萬年枝
春風堂上初來燕	明月千門雪
香雨庭前新種花	銀燈萬樹花
雷鳴大地聲千里	花市千門月
霞繞青山色萬重	燈衢萬里春

昨夜春風才入戶	今朝楊柳半垂堤
芳草滿庭吐秀	梅萼先傳信至
杏花遍地生香	桃符新換春來
文成蕉葉書猶綠	
吟到梅花句亦香	
引鶴徐行三徑曉	
約梅同醉一壺春	
春來也魚龍變化	
時至矣桃李芳菲	
明燭送來千樹玉	
彩雲移下一天星	



爆竹三兩聲人間是歲  
梅花四五點天下皆春

歲序更新三朔同臨首祚  
風光勝舊一門獨得先春

復旦重賡已被薰風之化  
分陰可惜何須秉燭而遊

春亦多情鳥向枝頭催逸興  
人其得意梅從窗外放詩懷  
燈月交輝竚聽笙歌歡四野  
雨暘時若式觀豐阜樂羣黎  
玉宇無塵月明碧玉三十界  
銀河散影人醉春風十二樓

香入梨花一刻千金春對酒  
清傳玉漏五更三點月留人

大造無私處處桃花頻送暖  
三陽有舊年年春色去還來

數不盡春光門前綠柳堦前瑤草  
看將來得意千里晴空萬里青雲

人間惟酒名春極目春來我輩何妨  
深中酒

天上有燈日月舉頭月在遊人可笑  
只觀燈

佳話

有子萬事足我子作尙書足而又足  
七十古來稀我年近大耋稀而又稀

看兒曹整頓乾坤  
任老子婆娑風月

綠水青山任老夫消磨歲月

人間賢母曾推孟

紫袍玉帶看吾兒變理陰陽

天上仙姑本姓何

教子有遺經詩書易春秋禮記

西人慈母東人大父

傳家無別業解會狀榜眼探花

北極湛露南極壽星

父作宰相子作宰相佇見文孫成宰

四方名士皆知已

相古今一品大夫人能有幾個

八座門生正少年

天許長生帝許長生更聞多士祝長

兩登耄舊今猶在

生富貴百年曰壽考請增千齡

五掌烏臺昔所無

二世三公太平宰相

萬卷編成羣玉府

一堂五代富貴神仙

一生修到大羅天

五世三登宰相 一生那有真閑日

奕朝累掌絲綸 百歲仍多未了緣

白髮盈簪凡內外將相公卿咸謝三

朝元老

黃河如帶徧東南兒童父老共欽六

筦宣公

祖孫父子兄弟叔伯四世翰苑蟬聯

猶有舅甥翁壻

子年卯酉辰戌丑未八榜科名鼎盛

又逢己亥寅申

登甲登第七代兒孫繞膝

難兄難弟九旬夫婦齊眉

天下文章莫大乎是

一時賢士皆從其遊

天下文章同軌輒

門牆桃李半公卿

三朝元老裴中令

百歲詩篇衛武公

秋圃黃花韓相國

春風紅杏宋尙書

七夕是生辰喜功名事業從心處處

帶來天上巧

百花爲壽域羨玉樹芝蘭繞膝人人

占卻眼前春

人近百年猶赤子	有月嚴光瀨
天留二老看元會	無金郭隗臺
一生好事無雙日	堂上雙親壽
百歲閒身得半時	朝中一品家
惟善人現壽者相	是是非非地
有令子爲天下師	明明白白天
甲子從頭開上壽	片言曾折獄
神仙自古有曾孫	一飯不忘君
東方先生善諧謔	長生惟食粟
南極老人應壽昌	老眼漸生花
藏山事業三千牘	有水園亭活
住世神明五百年	無風草木閒

身歷四朝沾浩蕩	眼看七代衍兒孫
高祖當朝一品	文孫及第三元
前生慧業摩鱗角	六世清聲冠鳳池
老蘇文學能傳子	小宋才名不讓兄
天子知從無事日	郎君貴在未生時
有才子八人綵獻萊衣林壬大備	先立春三日螯延柏酒花甲初周

儒以道得民此官不賤  
學以優則仕如日之升

屈指三秋天上又逢七夕

齊眉百歲人間自有雙星

有子有孫都成名進士

多福多壽是謂太夫人

愛惜精神留此心擔當宇宙

蹉跎歲月將何日報得君親

四十登科甲戌還登甲戌榜

五旬生子長孫又抱長孫兒

二百載青氈蟬聯百世

兩三間白屋鶴隱千秋

兄進士弟進士一天雨露

南御史北御史二地風霜

囊無半卷書惟有虞廷十六字

目空天下士只讓尼山一箇人

啓予足啓予手八十年臨深履薄

不怨天不怨人三千界魚躍鳶飛

靜亦靜動亦動五臟尅消夫慾水

勞亦忍辱亦忍平生不履於危機

孝若曾子參纔足當一字可

才如周公旦容不得半點驕

天上有人扶日月

山中安我老漁樵